





U N Φ E P P

ζ U θ γ U γ U ε P

£.

ԹԱԴԷՈՍ ԵՒ ՍԱՆԴՈՒԻՍ



ՎԿԱՅԱԲԱՆՈՒԹԻՒՆ

ԵՒ ԳԻՒՏ ՆՇԽԱՐԱՅ

Ս . ԹԱԴԷԻ ԱՌԱՔԵԼՈՅ

ԵՒ ՍԱՆԳԻՏՈՅ ԿՈՒՍԻ



Ի ՎԵՆԵՏԻԿ

Ի Տպարանի Մխիթարեանց

1 8 5 3

Քեւ պարծի այսոր սուրբ եկեղեցի, ո՛վ ինչ  
ուհի սուրբ Սանգուխա, որ զհայրականն զո թողի  
զպաշտանն . վասն Քրիստոսի հեղեղ զարին զո սուրբ:

Աշակերտեցար առ սքեղնն թաղէտի, և ՚ի հա  
ւասա Քրիստոս հաստատեցար, ոչ խառնակելով  
ընդ հեթանոսական պաշտանանն . արժանի եղեր վերս  
նայ առ Հայր:

Որ զտիկնութեանն զո թողեր զխառն, և ա  
սուանային փառքն զարգարեցար, այսոր զաս  
կցեալ ընդ զուարթունս երկնից, վասն մեր առ սե  
բարեխոսեա:

ՀԱՐԵՎԱՆ

## Ա Ձ Դ

Պեղեցկահաճիւս և փափկախօս վը-  
կայարանութիւնս կանուխ արու-  
սեկի որ 'ի Քրիստոս Առևսոյն Հայոց,  
Ս. ԹԱԴԵԻ առաքելոյ, և արտիաւո-  
րելոյն 'ի նմանէ չքնադատայլ առ-  
արդկանն, արքածին օրիորդին ա-  
սեմ ՍՅՆԴՈՏՈՅ կուսին, զոր գոյ  
մեզ կարծեւ և պարծեւ իբրեւ նախ  
ընծայ պատարագ 'ի դատերաց մօրս  
հոգեւորի եկեղեցւոյ սրբոյ 'ի  
սէր Աստուածն փեայի ողջակիզա-  
բար նուիրելոց, 'ի բարձրաւանդա-  
կուսն անդ բազմահարաչ այրարա-  
տեան բազնի զոհից առաջնոց՝ Ա-  
դամայ, Աբելի և Նոյի, ընծայեալ  
առաջին 'ի լոյս յ'Ն հասոր Սոփե-

բացս , ոյց առաւել սեփականագոյն  
և զբօսանս և նախանձ մտառուցէ .  
Թէ ոչ արդեւք Սանգխտոյ նմա  
նեացն՝ բնութեամբ և հասակաւ .  
որոց պահեալ են խնամք աստուա  
ծային՝ զմայրութիւն ազգի : Մա  
նաւանդ զի և պաշտօն նորին յամաց  
հեռէ հաշակաւ հնչի ՚ի վարժոցս  
աւջկանց . որոց հարկ ուրեմն է յոր  
դորագոյն եւս ՚ի նոյն եզանիլ՝ ըն  
թերցանութեամբ հանդիսից նահա  
տակութեան ցանկալւոյն և աննմա  
նոյ Պաշտպանին իւրեանց . որում  
և ել վիճակ զուգաժամանակ ՚ի  
անօրէնութեան մարդացելոյն վան  
մեր Աստուծոյ՝ կեալ յերկրի . և  
յեա նորա ելիցն՝ նախահրաւեր ՚ի  
կուսական գասուց ճեպել առ նոյն  
յառադասան գերազանցիկ գրգա  
րանացն եւայ . ՚ի յաւերժ հարս  
նութիւն Սիրոյն յաւիտենից :

Աչ յեա բազմաց զկնի ելից սրբ-  
բոցս կարծեմք գրեալ և զվկայարա-  
նութիւնս յաշակերտաց թագէի ,  
և 'ի սկիզբն ոսկեակ գարու մերոյս  
Թարգմանութեան՝ փոխարեբեալ 'ի  
հայ գիր և բան , որոյ և Թարգմանն  
յիշատակի յաւարտ ճառին և 'ի  
ծանօթութիւնս յիշեացի և առ 'ի  
մէնջ 'ի վերջ մատենեկանս : Իսկ գա-  
ղափար Սոփերիս և որ զկնի համա-  
ռօտ պատմութեանն Սանդխատոյ՝  
յերկաթագիր Տօնականէս մերմէ է ,  
յ' յի գարու գրելոյ , համեմատեալ  
ուրեք և ընդ այլում օրինակի գրե-  
լոյ 'ի յի գարու : Իսկ այլքն 'ի  
պատմութեանց՝ յայլոց ուստեք  
յընաիր գրչագրաց հաւաքեցան :



ՎԿԱՅԱԲԱՆՈՒԹԻՒՆ

ԹԱԳԷՈՍԻ ԱՌԱՔԵԼՈՅՆ

ՔԱՐՈԶՈՒԹԵԱՆՆ

ԵՒ ԳԱԼՍԵԱՆ Ի ՀԱՅՍ

ԵՒ ԿՅՏԱՐՄԱՆ ՈՐ Ի ՔՐԻՍՏՈՍ



ԲԱԶՄԱԲԻՄԻ ԵՆ Ճանապարհք  
աստուածային լուսեղէն վառկայն ,  
և ուսոյի դիտարագումնդ 1 բաժա-  
կոքն վասն զի մայրական 2 ընթա-  
ցիւքն վառին 'ի հանդիպումն ան-  
շէջ լապտերին , և հասանեն սիրա-  
կան խորհրդին , և միակամ կամօքն  
փարին 'ի ծայրագոյնան , մինչև  
առնուն զհայցումն ջերմեռանդն  
գթոյն : Եւ փութան հասանել կա-  
մօյին , և առնուն զմետասաներորդ  
մասն վաստակոց , սկսեալ յառաջ  
նոցն մինչև 'ի սասն և միակն , ըստ

աւետարանական բանին . զի հան-  
դիպին լուսաբեր ցօղոյն , ուստի  
բղխեն զքաղցրահամբոյր սէրն , 'ի  
խաղս անուշարար կուսութեանցն  
աստուածազարդ վարուցն : Եւ  
լնուն շտեմարանք 'նոցա 'ի բղխմանէ  
աղօթական և արասորագործ 3 վա-  
տակոցն . զի յամենայն ժամ են  
փառաւորիչք սրբոյ Երրորդու-  
թեանն . և փայլեն իբրեւ զճառա-  
դայթս արեգական սիրական խոր-  
հրրդովք , և տան պատու սուրբ  
հանդիսին , և մատուցանեն ընծայ  
'ի հոս անոյշ որ առաջի աստուած-  
որդւոյն , և հաճոյականաւ 4 կա-  
մօք առնուն զպարգեւս անմահա-  
կան լուսոյն , և գրին 'ի լուսեղէն  
բանական 'ի հրեշտակամբօս 5 զօրան .  
և լինին թեւազգեցիկք 'ի սրովբէա-  
գոչ դասն , և լնուն երկնաւոր  
ցանկութեամբքն լիապէս :

Արդ որք հանդիսանան՝ հանդի-  
պին ըստ վերագրելոցն՝ որպէս և  
հիւսիսային կողմանցս ծագեաց  
աստղն վարսագիտակ՝ 6 այրն սքան-  
չելագործ , սուրբ առաքեալն թա-



գէոս . և վիճակեաց զիմ Հայաստան  
 ազգս . զի նա էր քարոզ բանին  
 կենաց , և յառաջընծայ 'ի հան-  
 գէս մարտիրոսական սրահին 7 :  
 Նա եկեալ ձայնէր զամենեւեան  
 յերկնաւոր ընթրիան . զի առաքե-  
 ցաւ յամենափրկչէն մերմէ Յիսու-  
 սէ Քրիստոսէ , յեա համբառնալոյ  
 տեառն յերկինս . և եդեալ զսուրբ  
 աջն իւր 'ի վերայ առաքելոցն փր-  
 շեաց 'ի նոսա զմիսիթարական սուրբ  
 Հոգին զլոյսն ճշմարտութեան , և  
 օրհնեաց զնոսա , և քաջալերեալ  
 զնոսա լուսեղէն բանիւն , և առա-  
 քեաց զնոսա յիւրաքանչիւր վի-  
 ճակս քարոզել զբանն կենաց : Իսկ  
 այս սուրբ առաքեալս էր լցեալ լու-  
 սեղէն խորհրդով , վիճակեալ հայա-  
 ստան ազգիս . գայր հասանէր 'ի  
 Միջագետս Ասորոց , քարոզէր ըզ-  
 բանն կենաց , առնէր նշանս և սքան-  
 չելիս մեծամեծս : Եւ դարձեալ ան-  
 փ յառաջ գայր հասանէր 'ի քա-  
 ղաքն Ռուհայ . և մտեալ 'ի սուն  
 Տուբիայ բժշկէր զամենայն օխոս  
 և զհիւանդութիւնս , և լուսաւորէր  
 զնոսա երկնային լուսովն :

Եւ լուեալ Թագաւորին Աբգա-  
 րու զսրբոյ առաքելոյն Թադէոսէ,  
 և զսքանչելիսն 8 զոր առնէր, կար-  
 ծելով իմացաւ Թէ նա է որ առա-  
 քեցաւ 'ի Քրիստոսէ 9 : Եւ ապա  
 եկեալ սուրբ առաքեալն 'ի տուն  
 Թագաւորին Աբգարու, և տեսեալ  
 Աբգարու զսուրբ առաքեալն Թա-  
 դէոս, և նշան երկնաւոր լուսոյն 'ի  
 վերայ երեսաց նորա, զահի հա-  
 րեալ անկաւ 'ի վերայ երեսաց իւ-  
 րոց, և երկիր եպագ նմա. և մա-  
 տուցեալ սուրբ առաքեալն եդ  
 ձեռն 'ի վերայ նորա, և բժշկեաց  
 զնա անուամբ փրկչին մերոյ Յիսու-  
 սի Քրիստոսի, և լուսաւորեաց զնա  
 երկնային լուսովն, և զամենայն  
 տուն նորա : Բժշկեաց և զԱբգիու-  
 որդի Աբդեայ 'ի չար ցաւոց, որ  
 էր այր մեծ և երեւելի 'ի դրան Թա-  
 գաւորին : Եւ լուսաւորեաց զամե-  
 նայն քաղաքն, և Թողոյր անդ յա-  
 շակերտաց իւրոց : Եւ ինքն իսկ  
 Թագաւորն Աբգար որ բժշկեցաւ  
 'ի սրբոյ առաքելոյն, եղև քարոզ  
 բանին կենաց, և նշանագործ յա-

Տենայն 10 բարիս . և օրհնէր սուրբ  
 առաքեալն զԹագաւորն և զամե-  
 նայն հաւատացեալսն :

Եւ իեքն սուրբ առաքեալն առ-  
 նայր զաշակերտսն և փութով հա-  
 սանէր յաշխարհն Հայոց , առ Թա-  
 գաւորն Սանատրուկ , 'ի գաւառին  
 Արտազ , 'ի քաղաքագեւղն Հաւար-  
 շան , յապարանս արքունի , որ  
 էին հովոց գեաինք Թագաւորացն  
 Հայոց : Եւ քարոզէր անդ զբանն  
 կենաց , և առնէր նշանագործու-  
 թիւն 'ի գրան արքունի 'ի համաշ-  
 խարհազարդ 11 բանական . և բժշկէր  
 զամենայն ախտս շար հիւանդու-  
 թեանց : Եւ եկեալք բազումք յար-  
 քունական գրանէն առ սուրբ ա-  
 ռաքեալն , լսէին 'ի նմանէ զքաղ-  
 ցրաբարբառ քարոզութիւն աւե-  
 տարանին , և տեսանէին զնշանսն ,  
 զի զբօրօտս սրբեր , զկաղս գնա-  
 ցուցանէր , զգեւս հանէր , և զամե-  
 նայն ախտս շարաշարս առողջացու-  
 ցանէր : Եւ տեսեալ զամենայն  
 սքանչելիս բազումք հաւատացին 'ի  
 Քրիստոս :

Յայնժամ եկեալ դուստր Թա.  
 դաւորին, որում անուն էր Սան.  
 դուխա, որ էր 'ի տիոց տղայ, գե.  
 դեցիկ տեսեամբ և վայելուչ երե.  
 սօք, որ ոչ գտանէր համեմատ նմա  
 'ի վերայ երկրի. և հասեալ 'ի գի.  
 շերի առ սուրբ առաքեալն լսէր  
 'ի նմանէ զբանն քարոզութեան ա.  
 լեւոարանին, և զձայն երկնաւոր  
 զօրացն, և ընդունէր, և անկանէր  
 առաջի սուրբ ոտից նորա, և ար.  
 տասուօք համբուրէր, և ուսանէր 'ի  
 նմանէ զբազում աւուրս. եւ ոչ  
 Թողոյր զնա զտիւ և զգիշեր, և  
 այնպէս միացեալ բեւեռէր 'ի սերն  
 Քրիստոսի Աստուծոյ մերոյ: Եւ  
 տեսեալ սուրբ առաքելոյն զԷր.  
 մեռանդն դուժ սիրոյ նորա առ  
 Քրիստոս, առեալ մկրտէր զնա յա.  
 նուն Հօր և Արդւոյ և Հոգւոյն սրբ.  
 բոյ: Եւ եղև նշան լուսեղէն յեր.  
 կնից 'ի վերայ սրբոյ կուսին, և 'ի մէջ  
 լուսոյն ձայն երկնաւոր զուարթ.  
 նոցն. բազում և այլք հաւատացին  
 'ի Ժամուն 'ի Քրիստոս. և տեսեալ  
 քրմաժողով զիւցակատար պաշտօ.

նէիցն , սրամեցին խստերախ և անօրէն թագաւորին իւրեանց Սանաարկոյ :

Ապա շարադինեալ թագաւորն , ապր հրաման սրամահ առնել ըզհաւատացեալն : Եւ եղև նշան յերկնից 'ի վերայ նոցա , և բազումք հաւատացին 'ի Քրիստոս , և անկաւահ 'ի վերայ անօրինացն . և բազումք կորեան 'ի նոցանէ յահէ լուսոյ ճառագայթիցն . և ոչ իշխեցին ձեռն արկանել 'ի սուրբ առաքեալն : Եւ երեւեալ փրկիչն ասէ . Պինգ կաց Թագէոս , զի ես ընդ քեզ եմ 'ի փրկել զքեզ : Եւ անսեալ սրբոյն Թագէոսի զփրկիչն Քրիստոս՝ անկանէր առաջի նորահանգերձ արաասուօք , և ասէր . Տէր իմ և Աստուած , մի թողուր զիս միայն , զի ահա իբրև եկի 'ի բարբարոս ազգս 'ի դուռն թագաւորիս հրամանաւ և զօրութեամբքով . դու իսկ ասացեր , տէր իմ , ելէք ընդ ամենայն երկիր և քարոզեցէք զբանն կենաց . որ հաւատայ և մկրտի ապրեացի , և որ ոչն հաւա-

ապա դատաւարանացի : արդ իբրև  
 եկի ես այսը և սկսայ քարոզել ըն-  
 քանս սուրբ աւետարանին քո զոր  
 եզեր 'ի բերանի իմուս' և ոչ կամին  
 լսել՝ զի որք հաւատացին 'ի քեզ  
 անք, սրամահ արարեալ սպանին, և  
 զամանս բրազուհ արարեալ եզին 'ի  
 բանդի : կամէին և յիս ձեռն արկա-  
 նել : իսկ լոյս սուրբ աստուածու-  
 թեան քո փութացեալ ընկզմեաց  
 զնսսա 'ի խորս արամութեան շա-  
 բին, և գանեալք սատակեցան շար-  
 մահուամբ, և ոչ կարացին հանդի-  
 պել ինձ : Եւ անէ անք : Արի և ե-  
 բեւեաց դոցա և համբերեա զի բա-  
 զուս նեղութիւնք հասանեկն քեզ,  
 զի ոչ են ընդունելոց զքարոզու-  
 թիւն աւետարանի իմոյ ասա : բայց  
 'ի բազմաց սակաւ ժողովուրդ : և  
 ես պահեցից զնսսա, և սախց զնս-  
 սա առ իս : և որք կատարեցան  
 վասն անուան իմոյ, ապա նոցա ան-  
 զի 'ի ասն հօր իմոյ : Ասէ Թադէոս  
 ցանք : Եւ ես փութամ հասա-  
 նել 'ի լոյս աստուածութեանդ քո,  
 և լնուլ երկնացին սիրովն 'ի լուսն :

զէն փառաց քոց : Աշտակ տէր .  
 Դնդա և ուրախ լեր , զի կառարե .  
 ցից զկանե հայցման քո . և օրհ-  
 նեալ զնա համբարձաւ : Աշտակ .  
 ձառ սուրբ առաքեալն ուրախու-  
 թեամբ մեծաւ 'ի փրկչէն :

Գնաց 'ի բանդն 'ի գիշերին և  
 պահէին զսուրբն Սանգուխա և  
 զայլ հաւատացեալն . և բացան  
 գրունքն ինքնին , և եմուտ 'ի ներքս  
 սուրբ առաքեալն և ասաց . Դադա-  
 զութիւն ընդ ձեզ սիրելիք Քրիս-  
 տոսի : Աշտակալ զսուրբ առա-  
 քեալն զօրանային : Աշտակալ առ  
 սուրբն Սանգուխա՝ համբարեաց  
 զկապանս 12 նորա , և ասէ ցնա . Աշ-  
 րանի է քեզ դուստր երկնաւոր թա-  
 գաւորին . և զօրացուցեալ զնոսա  
 բանիւք սուրբ աւետարանին 'ի սերն  
 Քրիստոսի , նշանեաց լուս կալ և  
 արթմել : Աշտակալ տարածեալ ըզ  
 ձեռս իւր յերկինս ասէ . Գոհա  
 նամ զքէն տէր իմ և Աստուած  
 Յիսուս Քրիստոս միածին օրդի Աշ-  
 տակոյ , որ վասն փրկութեան ազ  
 դի մարդկան եկիր յերկիր . հայեաց

այժմ յերկնից 'ի սպարաւսս բնա-  
 կութենէ քումմէ՝ յազատին քո  
 Սանդուխտ, որ եւ զաղայութիւն  
 իւր քեզ, արդ պահեա զսա տէր  
 իմ, և զօրացո 'ի սպաւերազմիս, և  
 զընկերս սորա, և ծագեա զոյս  
 աստուածութեան քո 'ի վերայ սո-  
 ցա, և արա յամօթ զխաւարակուլ  
 թշնամին. վասն զի դու միայն ես  
 աստուած աստուածոց և տէր տե-  
 րանց. երեւեցո զնշան զօրութեան  
 քո 'ի վտանգեալս մարմնով, զի քո  
 են և 'ի քո անէղ անունդ եզիցին  
 զօրացեալք մինչեւ յաւիտեան: Եւ  
 'ի կատարել աղօթից սրբոյն եզեւ  
 թնդիւն աստուածութեան, և վերա-  
 ցաւ ձեզուն բանդին և ծագեաց  
 լոյս յերկնից, որ առաւել էր քան  
 զճառագայթս արեգական. և 'ի  
 մէջ լուսոյն ձայն երկնաւոր աւե-  
 տեաց, որ ապէր առ նահատական.  
 Քաջալերեցարուք և պինդ կացեք,  
 զի ես եկից և առից զձեզ առ իս:  
 Եւ դու, Սանդուխտ, որ եկիր զկնի  
 իմ, և արհամարհեցեր զերկրաւոր  
 պատիւս, և կոչեցեր զիս հայր,



ասց քեզ զվերագոյն լոյսն , և ա-  
 ռաւել պայծառ քան զբազմաց :  
 Եւ 'ի լսել զերկնաւոր զձայնն լու-  
 ծան կապանք նոցա , և ողջացան  
 անգամք մարմնոց նոցա , և յարու-  
 ցեալ փառաւորեցին զՔրիստոս Աս-  
 տուած , և ասէին միաբան . Տէր  
 Յիսուս Քրիստոս Աստուած մեր ,  
 գոհանամք զքոյ մարդասիրութե-  
 նէդ , որ եկիր յայց և 'ի խնդիր մեզ  
 կորուսելոցս , և փրկեցեր զմեզ 'ի  
 գիցապաշտութեանց , և ետուր մեզ  
 յաղթող լինել 'ի վերայ աներե-  
 ւոյթ թշնամւոյն : Եւ քաջալերե-  
 ցեր զմեզ երկնաւոր ձայնիւ ասե-  
 տեացդ լուսեղէն ճառագայթիւք  
 աստուածութեանդ քո , և զկա-  
 պանս մեր փշրեցեր , և զհարեալ  
 մարմինս մեր ողջացուցեր : Արդ  
 մեք զի՛նչ կարեմք մատուցանել  
 քում աստուածութեանդ , բայց  
 զանձինս մեր մատուցանեմք 'ի հոտ-  
 անուշից հօրդ : Եւ կատարեալ զա-  
 ղօթան , և 'ի փարատել լուսոյ ճա-  
 ռագայթիցն հայեցեալ անսին ըզ-  
 սուրբ առաքեալն զի աղօթէր : Եւ

յարուցեալ յազօթիցն օրհնեացքը  
նոսա, և համբուրեաց սիրահան և  
երկնային համբուրին :

Եւ տեսեալ զայն նշանա բանաա  
պանայն, և հայեցեալ տեսին ըզ  
գուրս բանաին զի 'ի բաց կային,  
և սուրբ առաքեալն թագէտս 'ի մէջ  
նոցա, և զահի հարեալ 'ի լուսոյն  
գիմեցին 'ի ներքս. և անկան ա.  
ռաջի սուրբ առաքելոյն գողալով և  
ասեն. Եւ մեք հաւատամք Աք.  
առւածն քո, զոր գու քարոզես  
սուրբդ Աստուծոյ. ընկալ և խառ  
նեա զմեզ 'ի թիւ հաւատացելոցդ,  
և փարեին զուրբ ասնն Աստու.  
ծոյ, և ազաչէին արաասուօք և ա.  
սեին. Թող մեզ սուրբդ Աստուծոյ,  
զի ոչ 'ի կամաց, այլ ակամայ սա.  
հեաք զգունդս սուրբ հաւատացե.  
լոցդ 'ի ծանր նեղութեան, վան  
ահի անօրէն թագաւորին: Եւ իր.  
րեւ տեսաք զայն ծագեալ 'ի վե.  
րայ ձեր 'ի բանալիդ, տեսաք լու.  
ծեալ զկապանա գոցա, ծանեաք և  
զքեղ 'ի մէջ գոցա, որ էիր վարդա.  
պեա գոցա և առաջնորդ երկնաւոր

լուսոյն : Ծանեալք հաստատապէս ,  
 և գիտացաք թէ նա է արարիչ եր-  
 կնի և երկրի զոր դու քարոզես :  
 Եւ հաւատացաք ամենայն խորհրդ-  
 դովք մերովք , և խոստովանիմք թէ  
 նա է Աստուած , և ոչ որ կարէ  
 մեկնել զմեզ յԱստուծոյն քում 13 ,  
 ոչ կապանք և ոչ նեղութիւնք : Արդ  
 արի փութա սուրբդ Աստուծոյ , և  
 խառնեա զմեզ 'ի գունդն Քրիստո-  
 սի , գուցէ մեռանիմք յահէ փառաց  
 Աստուծոյն քս :

Եւ գիտաց սուրբ առաքեալն և  
 թէ 'ի տեսանէ Աստուծոյ եղև կա-  
 չումն , և տեսին զոյսն ծագեալ  
 յերկնից , և զձայն ահեղ հնչեանն .  
 ասէ ցնոսա . Եղբարք 14 իմ մի եր-  
 կրնչիք . փոխանակ զի նուիրեցէք  
 զձեզ Աստուծոյ , և հաւատացէք 'ի  
 միածին որդին 'ի տէր մեր Յիսուս  
 Քրիստոս , և 'ի սուրբ Հոգին , և  
 ևս ազաչեցից վասն ձեր զՔրիստոս ,  
 և շնորհեացէ թողութիւն ձեզ , զի  
 զայն յանգիստութեան արարէք . զի  
 մարդասէր է տէրն մեր և ողորմած ,  
 և կամի գտանել զամենեւեան , որք

հորուսեալ էին 'ի մեզս , որպէս և  
 դուք էիք : Արդ սիրեաց զձեզ վասն  
 բազում սղորմութեան իւրոյ , և  
 ազգեաց զոյս աստուածութեան  
 իւրոյ 'ի սիրտս ձեր . և արար ըզ-  
 ձեզ ճանաչել զնա , զի նա միայն է  
 Աստուած , և չիք այլ ոք : Արդ  
 պինդ կացէք և զօրացարուք 'ի հա-  
 ւատան Քրիստոսի Աստուծոյ , և  
 մտացարուք զձեր սնտախի և զհա-  
 բեական մտորութիւնսդ : Եւ իբ-  
 րեւ դադարեաց սուրբ առաքեալն  
 'ի խօսելոյ , ասէ ցնոսա . Արիք ա-  
 զօթեցէք . և ինքն հայեցեալ յեր-  
 կինս հառաչելով ասէ . Հայր տեառն  
 մերոյ Յիսուսի Քրիստոսի , որով 15  
 կամեցար և ծանուցար սոցա , և կռ-  
 չեցեր առ քեզ . արդ պահեա զսո-  
 սա սուրբ աջովդ , և մի տար խոտո-  
 բել յաջ կամ յահեակ , և բեւե-  
 ռեա զսոսա 'ի ջերմեանդն գութ  
 աստուածութեանդ քո . սրբեա  
 զսոսա երկնային ազատութեամբդ ,  
 զի միաւորեալ բեւեռեսցին 'ի սեր  
 միածնի որդւոյ քո սիրելոյ :

Եւ կատարեալ զազօթսն , ա-

աեալ 'ի նմին գիշերի մկրտեաց զնո-  
 սա յանուն Հօր և Արդւոյ և Հոգ-  
 ւոյն սրբոյ : Եւ էին նոքա թուով  
 երեսուն և երեք ընդ այս և ընդ  
 կին , որք 'ի Ժամուն յայնմիկ հա-  
 լատացին . և էին յազգէ բանգա-  
 պահացն : Դսկ անիծեալն սատա-  
 նայ եղեալ 'ի կերպարանս առն  
 միոյ , և եկեալ 'ի բանգն կայր 'ի  
 հեռաստանէ , ձայն բարձեալ առ  
 բանգապանան ասէր . Ձի՛նչ պա-  
 կաս էր ձեզ զի Թողէք զմեծ սա-  
 տուածն Մնահիտ , և զմայր սա-  
 տուածոցն Պիտիգոյն 16 , և գուք մե-  
 լորեցարուք զհեա առն միոյ Հրէի ,  
 որ ուսոյց ձեզ նոր ուսումն , և  
 խաբեալ զմիաս ձեր կորոյս . եկայք  
 դարձարուք , և պագէք երկիր Ա-  
 նահատայ . և ես աղաչեցից զսա-  
 տուածսն ամենայն՝ որ առնէ ձեզ  
 Թողութիւն : Եւ խնայեալ Թագէո-  
 սի զխորամանկութիւն չարին ասէր .  
 Ա՛վ բանասարկու չարեաց , լեր յետս  
 դարձեալ Թշուառական : Եւ լը-  
 ւեալ սատանայի զձայն սուրբ առա-  
 քելոյն՝ ասէր . Ձձայնդ քո լսեմ ,

այլ գիտեմ ոչ ուր ես : Ասէ սուրբ  
 առաքեալն ցատանայ . Աւ այլ մի  
 տեսցես զճառայս Քրիստոսի Աս  
 առեծոյ սիլ ազակցի և սիլզժ , շար  
 և անամօթ . Մինչև յերբ ոչ ամա  
 շես գու յԱսառեծոյ . երկիր 'ի զո  
 բուծենեն Ասառեծոյ , և երթ յեա  
 շարագլուխ միշայ : Աւ 'ի սասակ  
 սուրբ առաքելոյն՝ եղև խաւա  
 բեալ շարն , և տանջէր 'ի հրեշա  
 կաց սրոց : Աւ տեսեալ նորահա  
 լատիցն զաննեբելի տանջանա շա  
 բին՝ հաստատէին 'ի հաւասան  
 Քրիստոսի . և ձայն բարձեալ սա  
 տանայի՝ լայր դառնապէս , և ասեր .  
 Ազնակ եղէ ես որ յաղթեցայ 'ի  
 խաչելոյն , և կորեայ . բայց գիտեմ  
 զինչ արարից , մտից 'ի սիրտս իչ  
 խանայն և գրգռեցից զնոսա հան  
 գերձ Թագաւորան , և արասցէ  
 զձեզ սրամահ : Ասէ սուրբ առա  
 քեալն . Արթ յեա սատանայ .  
 սաստեսցէ տեր 'ի քեզ : Աւ իբրե  
 լուա եղև անհետ 'ի տեղւոյն , եր  
 թեալ մտանէր յարբունիսն , և գըր  
 գուէր զբարբարոսսն 'ի վերայ սըր  
 բոցն :

Աւ իբրեւ եղեւ առաւօտ, խոր-  
 հորդ արարեալ թագաւորին վասն  
 զստերն 17 իւրոյ Սանդխաոյ, թէ  
 զինչ պարտ է առնել, վն սպանման  
 ոչ կարեւր առ չքաման, վասն աղէտի  
 զթոյ հայրութեանն, զի առաւել  
 սիրեք, և մինչ յիշէր լայր դառնա-  
 պէս: Ապա յղէր ՚ի բանդն նախա-  
 բար զմեւ ամէլ զսուրբն Սան-  
 դախա, և յուղեալ 18 զաշխարհա-  
 պազտապան զի դատեալ ամցեն զնր  
 առաքեալն թագէոս որ մուտրեցոյց  
 զգուսարն իւր, և իբրեւ եհաս իշ-  
 խանն ՚ի բանան բազում ամբօխիւ,  
 ետես զգուսն բանդին ՚ի բաց, և  
 զարմացաւ, հայեցեալ ՚ի ներքս տե-  
 սանէր լոյս սաստիկ շուրջ զնորք,  
 և ամբօխ բազում, և սուրբ առա-  
 քեալն կայր յոան, և ուսուցանէր  
 նոցա զբանն կենաց: Աւ իբրեւ ե-  
 տես զամենայն և զլոյսն զի առաւել  
 պայծառանայր, զահի հարեալ  
 յերկիր կործանեցաւ, և տանջեր  
 աներեւոյթ տանջանորք և ձայն ա-  
 հեղ զնորք: Աւ խնայեալ սրբոյ ա-  
 ռաքելոյն, ելեալ ՚ի գուրս տեսա-

ներ զի անկեալ Թաւաղէին ընդ գե-  
 աին , եղ ձեռն 'ի վերայ և բժշկեաց  
 զնոսա . և հաւատաց իշխանն և յի-  
 սուն այր ընդ նմա : Եւ էր այրն  
 մեծ կարգեալ 'ի վերայ ամենայն  
 գիցն , և հրամանատար ամենայն  
 տանն արքունի . նա էր երկրորդ  
 տերութեանն Հայոց , յայնժամ  
 սասանայի խիղքս զԾնկով առեալ 19  
 լայր դառնապէս և առէր . Զմեծ զէն  
 գլխոյս խոյ կորուսի : Եւ իբրեւ ոչ  
 կարէր մտնել 'ի բանդն յահէ երկ-  
 նաւոր զորութեանն , փութով հա-  
 սանէր յարքունիսն , և գրգռեալ  
 դառնացուցանէր զչար և զանօրէն  
 Թագաւորն . ապա հրաման տայր  
 սրով սպանանել . և կատարեցան  
 յաւուր յայնժիկ ողիք երկերիւր :  
 Եւ եղեւ ձայն ահեղ , և Թեզիւն  
 երկնաւոր զօրացն , որ իջեալ ոչ  
 ջունէին զուրբ նահատակսն , և  
 յահեղ ձայնէն բազումք կորեան  
 յանօրինացն : Եւ իբրեւ եղեւ գի-  
 շեր , կայր լոյսն երկնաւոր համատա-  
 բած 'ի վերայ նոցա . յայնժամ  
 յլէր 'ի սուն իւր սուրբն Սան .



գուխս գաղա 'ի հօրէն իւրմէ և տայր  
բերել բարակ կտաւս , և առեալ  
զհաւատացեալ սուրբ ընկերան , ամ  
փոփել զմարմինս նոցա , համբուրել  
և ասել . Արանի՛ է ձեզ , եղբարք  
իմ և քորք . որք արժանի եղէք եր  
կնաւոր ուրախութեանցն , յիշե  
ցէք և զիս զազախինս ձեր , և թա  
ղէր զնոսս մօտ յապարանս իւր , և  
տայր զգուշութիւն , զի մի որ գի  
տասցէ յարքունի տանէն . և ինքն  
փութով հասանէր 'ի բանդն :

Եւ տեսեալ զսուրբ առաքեալն  
զի աղօթէր և լոյս մեծ 'ի վերայ նո  
րա , զահի հարեալ սուրբն Սան  
գուխս՝ անկանէր 'ի վերայ երե  
աց իւրոց արտասուօք և համբու  
րէր զգարշապարս առնն Աստուծոյ  
և ասէր . Տէր իմ և հայր , որ գտեր  
զիս զմօլորեալս , և ծանուցեր ինձ  
զերկնաւոր զտէրն իմ զՅիսուս  
Քրիստոս զմիածին որդին , այժմ  
աղօթեա զամն իմ և օրհնեա զիս ,  
զի և ես փութացեալ հասից ընկե  
րացն իմոց , և եղէց արժանի տե  
սանել զտէրն զՔրիստոս քեւ հան .

դերձ : Եւ տեսեալ սուրբ առաքե-  
 լոյն զարտասուս օրբոյ կուսին Սան-  
 գրիսոյ , և զՋերմեռանդն գուժ սի-  
 րոյ նորա առ Քրիստոս , և ասէր .  
 Երանի է քեզ գուար երկնաւոր  
 Թագաւորին . համբերեա ասա ժա-  
 մանակ 20 , և այժմ տեսանես զոյն  
 ամենայն արարածոց : Քաջաչերէր  
 և զայլ հաւատացեալն սուրբ բա-  
 նիւ աւետարանին և ասէր . Պինգ  
 կացէք , զի այժմ առնուք զուսե-  
 ղէն պակին : Եւ կատարեալ ըզ-  
 խօսան մատուցին առաջի հաց . և  
 ասեալ զհացն օրհնեաց և ետ օրբ-  
 րոյն Սանդիսոյ և ընկերացն . ճա-  
 շակեաց սակաւիկ մի և ինքն . և իբ-  
 րեւ յարեան՝ օրհնեցին և գոհացան  
 զսուրբ Երրորդուժենէն : Եւ կըն-  
 քեալ զանձինս իւրեանց նշանաւ  
 սուրբ խաչին , և ննջեցին :

Իսկ սուրբ առաքեալն կայր և ա-  
 ղօթէր ասելով . Տէր Աստուած իմ ,  
 հայր տեառն մերոյ Յիսուսի Քրի-  
 ստոսի , շեմ բաւական գոհանալ զա-  
 սա սղորմութենէդ քուսմէ . որ  
 կօչեցեր զիս զանարժանս ի մեծակ

առաքելութեան, և սրբեալ մաքրե-  
 ցներ և արարեր զիս առձար սուրբ  
 Հոգւոյդ, և ետուր ինձ վիճակ զաշ-  
 խարհս զայս, ուր քարոզեմ զբանս  
 սուրբ աւետարանի քս. զի որ հա-  
 լատասցեն 'ի սուրբ անուանոց  
 քս, կատարեալս ընկալցիս զնոսա  
 'ի հոս անուշից 'ի լոյս աստուածու-  
 թեանոց քս: Եւ խառնեա զնոսա 'ի  
 հրեշտակերամ դասս վերին բանա-  
 կացն. ընկալ և զմեզ պատարագ 'ի  
 հոս անուշից աստուածութեանոց  
 քս. պահեա և զողայս զայս Սան-  
 դուխս, զի է սուրբ կուսութեամբ.  
 և տուր համբերութիւն սմա պատե-  
 րազմել զհանգէս մարտիրոսական  
 ընթացիցն, և առնուլ զպսակն լու-  
 սոյ 'ի գլուխ իւր: Եւ 'ի կատարել  
 աղօթիցն, երեւեալ փրկիչն ասէ.  
 Նազաղութիւն ընդ ձեզ, սիրելիք  
 իմ. և տեսեալ սրբոյն Թադէոսի  
 զփրկիչն անկաւ 'ի վերայ երեսաց  
 իւրոց, և երկիր եպագ նմա: Եւ ասէ  
 փրկիչն. Լուայ աղօթից քոց և զոր  
 ինչ խնդրեցեր յինէն ետու քեզ.  
 և կատարեացիս մարտիրոսական

հանգիսիւ Սանգիսառով հանգերձ և  
 այլ աշակերտակողք : Եւ ծագե-  
 ցից զլոյս աստուածութեան իմոյ՝ ի  
 վերայ ոսկերաց ձերոց . և ուր կա-  
 տարեսցին նուերք ուխտիցն որ վան  
 անուան իմոյ մատուցանին ի վերայ  
 ձեր՝ եղիցին ինդրուածք հայցման  
 նոցա անարդել . և առաւել վան  
 քո : Եւ դու քաջալերեալ երեւես .  
 ցիս այսօր . և մի երկիցես և մի զան-  
 գիտիցես , զի ընդ ձեզ եմ ՚ի փրկել  
 զձեզ : Ասէ Թագէոս . Տէր իմ և  
 Աստուած իմ , ողորմեա ինձ . և մի  
 Թողուր զսոսա որք հաւատացին ՚ի  
 սուրբ անունդ քո , և յեա մահուն  
 իմոյ պահեա զնոսա աջով քով . և  
 մի Թողուր զվիճակս քո զայս , զոր  
 շնորհեցեր ինձ տէր իմ . և բարձեալ  
 զկապաւոյնութիւն մուրութեան ՚ի  
 բարբարոս ազգէս ահեղ աստուա-  
 ծութեամբք քով , և մի առներ ըստ  
 դոցա անօրէն և չարագործ 21 . զի  
 մուրեցոյց զգոսա բանասարկուն չար ,  
 արա զնոսա յամօթ և հալածական ,  
 և խորտակեալ ընկձեա զնա , և ըզ  
 մեկնայս չարութեան նորա , և

վիճակեալ զսոսա վերասին վիճա-  
 կանն 'ի ըյս աստուածութեանդ  
 քո . և արա զսոսա Տողովուրդ յա-  
 շխենեականն , և երկնաւոր գաւթին  
 ծնունդք . զի միաբան փառաւորեա-  
 ցեն զսուրբ աստուածութիւնն 22  
 անուշահոս վարուք իւրեանց : Եւ  
 ասէ տէր . Լուսյ աղաշանաց քոց ,  
 ոչ թողից զհաւատացեալս 'ի ձեռաց  
 իմոց մինչեւ 'ի վախճան աշխարհի ,  
 և ոչ զվիճակ բաժնի քո . այլ փու-  
 թով կատարեցից զկամս քո , և  
 գրոշմեցից զգոսա 'ի գունդ աս-  
 տուածութեան իմոց , և արարից ըզ-  
 գոսա 'ի գունդ լուսոյ աստուածու-  
 թեան իմոց : Եւ արարից զգոսա  
 ինձ Տողովուրդ սեփականն , և տաց  
 զաւետիս իմ 'ի միտս նոցա , և արա-  
 ռից փախստական զար գաղանն 'ի  
 գոցանէ , և սխարսպեցից զգոսա յու-  
 սով աստուածութեան իմոց : Հայե-  
 ցայց 'ի գոսա և ողորմեցայց գոցա .  
 և գու խնդա և ուրախ ըր : Եւ սրհ-  
 նեալ համբարձաւ :

Եւ մատուցեալ սուրբ առաքեալն  
 զարթոյց զհաւատացեալանն և զաշա-

կերամն իւր, և զսուրբ ազգոսին  
 Քրիստոսի Ամեղուխս, և սակ,  
 Աղօթեցէք, և ինքն սկսաւ աղօթել  
 և սակ զսաղմուս զայս: Օրհնե-  
 ցից զսէր յամենայն ժամ: Աւ-  
 կատարեալ և այլ սաղմուս բազում,  
 և արաստուօք հանգերձ փառաւո-  
 րեին զԱստուած, և էին ուրախա-  
 թեամբ մեծաւ: Արբեւ կատարեցին  
 զաղօթմն, սակ սուրբ առաքեալն  
 ցհաւասացեալն: Պինգ կացէք և  
 համբերեցէք, զի այժմ անուօք ըզ-  
 պասին լուսոյ ՚ի գլուխս ձեր: Աւ-  
 հայեցեալ ՚ի սուրբն Ամեղուխս և,  
 տես զերեսս նորա արաստուօք ի-  
 և սակ, Մի փառասորաիր, և մի եր-  
 կունչիր: Կարծելով կարծեաց թե  
 երկեաւ Ձ՞: Աւ սակ սուրբն Ամե-  
 ղուխս: Տէր իմ և հայր հոգւոյ ՚ի-  
 մոյ, ոչ եմ փառասորեալ, այլ ջըն-  
 ծամ և ուրախ եմ և փութամ տե-  
 սանել զՔրիստոս յոյս իմ, և լինել  
 առաջի նորա յամենայն ժամ, զի կա-  
 թի անձկացեալ եմ տեսանել զայն  
 երկնային: Աւ սակ սուրբ առա-  
 քեալն: Արամնի է քեզ քոյր իմ և

գուտար, զի այժմ հասանես առ արանձկացեալն ես, և առնուս ըզպահն լուսեղէն 'ի գլուխ քո: և ինիս յանգիման առաջի Աստուծոյ երկնաւոր Թագաւորին: զի պարծեալ և գեր 'ի վերոյ գաւանիս քան զբազումս զամն ջերմեանեղն գնացից քոց:

Կրիւ գաղարեաց, եղև առաւօս, եկին հասին իշեանքն բազում մեծամեծօք 'ի գուռն բանդին: Հանեալ արտաքս զսուրբ առաքեալն և զՍանգուխս, և զայլ քրիստոնեայն որ էին 'ի բանդի, և անին կապանօք յապարանս Թագաւորին, և զսուրբն Սանգուխս արձակ: Ասե սուրբն Սանգուխս մեծարար, բառ ձայնիւ զհաւատացեալ ընկերակիցն իւր զնձալով: Ազբարբխմ, սինդ կայէք և զօրացարուք 'ի Քրիստոս, զի ոչինչ են սպառնալիք երկրաւոր Թագաւորացս: յայն միայն հայեցարուք, յոր հաւատացէքն՝ յերկնաւոր Թագաւորն: Կմտասուք զմտս և զխորհուրդս ձեր, և նա տայէ ձեզ զօրութիւն, զի նա

միայն է Աստուած , և չիք այլ ոք .  
 նա պահեացէ զձեզ 'ի սնտափ և 'ի  
 խարէակիսն պատարանացս :

Աւ մինչդեռ խօսէր ընդ սուրբ  
 ընկերակիցսն խբ , խնդրեաց 'ի  
 ներքս Թագաւորն զսուրբն Սան-  
 դուխա , և մտեալ 'ի ներքս , ասէ  
 Թագաւորն . Մտա եկ դուստր իմ ,  
 և նա ոչ հայեցաւ 'ի նա , և ոչ գնաց  
 մտա : Աւ ասէ Թագաւորն . Աբա-  
 ցա՛ր զիս , և սիրեցէր զմուտրեցաւ  
 չիչն . եթէ ոչ գառնաս յամա  
 մասց քոց՝ երգուեալ յաստուածսն  
 ամենայն՝ շար մահուամբ կորուսից  
 զքեզ և զնա : Ասէ սուրբն Սան-  
 դուխա . Ար կոչեա մուտրեցուցիչ ,  
 նա զիս 'ի խաւարէ 'ի լոյս փոփեաց ,  
 և ծանոցց ինձ զտէր իմ զարարիչն  
 երկնի և երկրի , և զԱրգիս միածին ,  
 և զսուրբ Հոգին որ 'ի նոցուեց . ես  
 փութամ առ տէր իմ Քրիստոս ,  
 նա է տէր տերանց և Թագաւոր  
 Թագաւորաց , որ է լոյս և կեանք  
 ամենայն արարածոց : Աւ ասէ Թա-  
 գաւորն . Ա՛յլ է նա որ կոչեա Աս-  
 տուած և Հայր : Ասէ սուրբն Սան-



գութաւ . Աստուած , նա է Աս-  
 տուած , որ արար զամենայն յոչնե-  
 շէ , և հաստատեաց զամենայն արա-  
 բածս բանիւ բերանով իւրով , և ձեր  
 մտորեալ միտք և խաւարեալ խոր-  
 հուրդք թողեալ զԱստուած զարա-  
 բին ձեր , որ զձեզ յոչնէ արար և  
 հաստատեաց . և զուր տաղանէք  
 երկիր ուրուահանաց կանց մեռելո-  
 ւեաց , որ ոչ անսանեն և ոչ լսեն յա-  
 բում բնակեալ են դեւք , որ խաւա-  
 րեալ կորուսին զմիտս ձեր , և արա-  
 բին զձեզ որդիս գեհէնին : Արդ  
 ունիք երթալ ՚ի խաւարն արտաքին  
 գործակցան ձերով սասանայիւ ,  
 ուր լալ աչաց է և կրճել սասանոց :

Յայնժամ սրամտեալ թագա-  
 ւորն , ետ հրաման կապել և քերել  
 զի սյրեացի : Յայնժամ մատուցեալ  
 զահճապեան կապեաց զուրբն  
 Սանգուխտ , ապա ընթացեալ ոմն  
 ՚ի հաւատացելոցն պատմեաց սրբոց  
 առաքելոցն , և թէ զՍանգուխտ կա-  
 պեցին և կամին շարշարել : Իսկ  
 սուրբ առաքեալն յարասուս է-  
 զեալ ասէր . Տէր իմ Յիսուս Վրիս .

աստ, հայեաց յաղախին քո . զ-  
 րացո և արա յամօթ զչար թշնամին  
 ճշմարտութեան : Իսկ սուրբն Սան-  
 դուխա մինչդեռ կայր կապեալ և  
 ձեռն արկեալ կամէին քերել, և  
 զաղակեաց յերկինս մեծարարաւ  
 արիարար և ասէ . Տէր իմ Յիսուս  
 Քրիստոս, փութա հաս ինձ յօ-  
 գնահանութիւն, զի դու ես իմ  
 հայր և արարիչ . ասաւէն և կեանք,  
 մի թողուր զմօլորեալ ոչխարս հօ-  
 տի քո : Եւ յաղաղակել սրբոյ ալ-  
 ջըհանն, եղև շարժումն, և ծա-  
 դեաց լոյս յերկնից, և եղև ձայն որ  
 ասէր . Քաջալերեաց դուստր իմ,  
 զի ընդ քեզ եմ 'ի փրկել զքեզ, և  
 լուծան կապանք նորա, և 'ի լուսոյ  
 փայլաասահանցն կորեաւ դահձա-  
 պեան, և բազումք ընդ նմա . և պա-  
 տեաց ահ զամենեւեան թաղաւո-  
 րան հանգերձ, կարծէին զամենե-  
 սեան կորուսանել 24 : Իսկ սուրբն  
 Սանդուխա փութով հասանէր,  
 ուր ունէին զսուրբ առաքեալն, և  
 եկեալ փորէր զոտիւք նորա, և աս-  
 սէր . Տէր իմ և հայր հոգւոյ իմոյ .

ահա զիս Քրիստոս փութով ար-  
ձակեաց 'ի կապանաց , և յամօթ  
արար զսասանաց և զարբանեակս  
նորա . և յարուցեալ գոհանային  
զտեառնէ : Յայնժամ գայր իշխան  
ոմն հրամանաւ Թագաւորին , և ան-  
կանէր առաջի սուրբ առաքելոյն  
ասելով . Յղեաց Թագաւորն առ  
քեզ , և ասէ . Մեզայ քեզ և Աս-  
տուծոյն քուս . Թող մեզ և աղօ-  
թեա , զի անցցէ բարկութիւն ա-  
հեղ սասակութեանս , զի կորնչեմք  
խաղառ . և զոր ինչ կամիս դու առ-  
նեմք . հրամայեաց և զձեզ արձա-  
կել 'ի կապանացդ :

Եւ իբրեւ ետես զնա և լուաւ  
զհրամանս Թագաւորին , յարտա-  
սուս եղեալ աղօթէր և ասէր . Հայր  
տեառն մերոյ Յիսուսի Քրիստոսի ,  
հայեաց 'ի Ժողովուրդս քո , և մի  
առնէր ըստ գոցա մեղանաց . Թող  
գոցա տէր . զի ոչ գիտեն զինչ գոր-  
ծեն . և 'ի կատարել աղօթիցն , լու-  
ծան կապանք ամենայն հաւատա-  
ցելոցն : Եւ գազարեաց ձայն ա-  
հեղ շարժմանցն , և տեսեալ իշխա-

նին երկեալ : Ասէ առաքեալն . Մի երկնչիւր , երթ պատմեա թագաւորին քում զոր ինչ տեսերդ : Եւ երթեալ ասէ ցթագաւորն . Տեսի զառաքեալն ոչ որպէս մարդ՝ այլ առաւել քան զմարդ . և լոյս շուրջ զնովաւ , և որպէս աղօթեաց՝ անցանեն այն ցասունն յերկրէս 25 : Իսկ թագաւորն գրգռեալ ՚ի չարէն ասէ . Մի՞թէ անցոյցնա զբարկութնս , այլ Արամազդ և Անահիտ մեծ աստուածքն որ են շինութիւն աշխարհիս և փառք մեր թագաւորացս :

Յայնժամ հաւատաց իշխանն ամենայն տամբ իւրով , մկրտեցաւ և կոչեցաւ անուն նորա Սամուէլ . զի ոչ գտանէր նման նորա ՚ի մէջ աշխարհիս Հայոց . փոքրեաց զհերս իւր և եղև աշակերտ սուրբ առաքելոյն : Եւ լուեալ թագաւորին տայր վարել բեւեռս հրացեալ ընդ ուսս նորա , և այնպէս կատարեցաւ . և այլք յաշակերտաց սրբոյ առաքելոյն , որ եկեալ էին ընդ նմա բազումք : Եւ ՚ի ժամուն գիպեցան չորք և երեք 26 յաշխարհէս Հայոց , և

զնոսա չարչարեալ զոմանս հրա-  
 ցեալ երկաթով զլսռունս ծակէին ,  
 և զայլն սրով սպանանէին , և կա-  
 տարեցան յաւուր յայնմիկ ութ նա-  
 հատակք . և եղև նշան լուսոյ ՚ի վե-  
 րայ նոցա , և ահ սասակութեան ՚ի  
 վերայ անօրինացն : Իբրև եղև գի-  
 շեր , եկեալ սուրբ առաքեալն ուխտ  
 ընկալօքն , առեալ զմարմինս նո-  
 ցա սրտեաց սրտուական հանգեր-  
 ձիւք իւղովք և խնկօք . և եգ ՚ի փոքր  
 ձորակին ուր էին օթեվանք նոցա ,  
 և ետ զգուշութիւն զի մի ոք գի-  
 տասցէ : Ի նմին գիշերի եկեալ  
 սուրբն Սանգուխտ , անկանէր ա-  
 ռաջի սուրբ առաքելոյն ասելով .  
 Երանի է քեզ աէր իմ հայր , զի ըզ-  
 բազումս արարեր արժանի քրիստո-  
 սական սրակին : Ասէ սուրբ առա-  
 քեալն . Երանի եւս քեզ է որ ար-  
 ժանի եղեր զնոսա յղարկել . խնդա  
 և ուրախ լեր զի փութով հասանես  
 դու առ Քրիստոս , և մխիթարէր  
 սուրբն Սանգուխտ զամենայն հա-  
 լատացեալն . կերակրէր զնոսա  
 հացիւ և զգեցուցանէր հանգերձիւ .

և ոչինչ առնէր նոցա սրակաւ , և քարոզէր զբանն կենաց , և գարձուցանէր զբազումս առնելով նըշանս և սքանչելիս :

Յայնժամ հաւատաց կին օմն 'ի մեծ ազգէ ամենայն աստք իւրով որ էր 'ի մերձաւորաց Թագաւորին , որում անուն էր Չարմանգուխս : Եւ առեալ սրբոյ առաքելոյն մկրտեաց զնոսա ոգիս երկերիւր , և լուեալ Թագաւորին տայր հրաման զՉարմանգուխս սրով սպանանել միայն : Եւ իբրեւ կատարեցաւ , եղեւ 'ի վերայ նորա նշան , և բազումք հաւատացին յաւուր կատարման սրբոյն . և լուեալ Թագաւորին մրմռեալ իբրեւ զառեւծ 'ի վերայ սրբոյն Սանգխաոյ , և ասէր . 'Նա զամենեւեան առաւել մոլորեցուցանէ , և տայր հրաման զի սրով սպանցի : Եւ լուեալ սուրբ առաքելոյն զհրաման անօրէն Թագաւորին , աղօթէր առ Քրիստոս զամենայն զգէշերն վասն սրբոյն Սանգխաոյ :

Իբրեւ եղեւ առաւօտ , եկեալ

Մանգուխտ առ սուրբ առաքեալն ,  
անկանէր առաջի ոտիցն համբուրէր  
և ասէր . Տէր իմ , խորհէի 'ի սրաի  
իմում թէ զինչ արասցէ ինձ Քրիս-  
տոս լոյսն իմ . որպէս եղէ 'ի քուն  
յայսմ գիշերի , լոյս ծագեաց 'ի  
վերայ իմ , և 'ի մէջ լուսոյն այր մի  
լուսազգեստ , որ ոչ կարէի առ-  
նուլ զնմանութիւն յառաւել լուսոյ  
ճառագայթիցն . ձայնեաց զիս և  
ասէ . Մանգուխտ , արի փութա և  
զգեցիր զլոյս իմ . և ես յարտասուս  
եղեալ ասեմ . Տէր իմ , չեմ արժա-  
նի . և սասակելով զգեցոյց ինձ ըզ-  
լոյսն որպէս զվերարկու . եզ և  
սրակ լուսեղէն 'ի գլուխ իմ , և  
զարգարեաց զիս լուսեղէն զար-  
գուք , և ես հիացեալ կայի . և ա-  
սէ . Ուրախ ընր Մանգուխտ , զի ոչ  
թողից զքեզ : Եւ յանկարծակի ե-  
ղեւ թնդիւն ահեղ և զարթոյց զիս .  
և ես յարուցեալ փառաւորեցի  
զՔրիստոս Աստուած , որ արժանի  
արար զիս այսպիսի սքանչելի տես-  
լեան : Իբրեւ լուաւ սուրբ առա-  
քեալն , իմացաւ թէ այսօր փոխի

յաշխարհէ, և զգե՛նու զփառս լուսեղէն դասուց. և առնու զսրահն լուսոյ՝ ՚ի գլուխ իւր, և յարտասուս եղեալ սուրբ առաքեալն ասէ. Երանի է քեզ Սանգուխտ, զի այս որ երեւեցաւ քեզ ինքն Քրիստոս է. վասն զի ետես զՋերմեռանդն գուժ սիրոյ քո առ ինքն, վասն այնորիկ երեւեցաւ քեզ, զի առաւել հաստատեացէ զքեզ ՚ի լոյս աստուածութեան իւրոյ. և լոյս նոր զգեցոյց քեզ որպէս վերարկու, և պսակն լուսեղէն՝ ՚ի գլուխ քո, վասն զի թողցես զթանձրամած մարմին քո, և զգե՛նուս զայսն երկնաւոր, և զսրահն լուսոյ յազթութեան մարտիրոսութեան արժանի լինիս առնուլ ՚ի գլուխ քո: Եւ զարդարիլ վերագոյն լուսով, բնակել ՚ի լոյս աստուածութեանն. և յամենայն ժամ կաս յուրախութեան վերին լուսոյն: Եւ որ ասացն թէ ինդա և ուրախ լեր, զի ոչ թողից զքեզ, զի անմեկնելի է Քրիստոս ՚ի սիրելեաց իւրոց, և ուրախ առնէ զամենեւեան որ կան ՚ի սէր աստուածութեան նորա:



Իբրեւ լուաւ սուրբն Սանդուխտ  
զարատու թիւն սքանչելի տեսլեանն,  
յարաստու եղեալ անկանէր առա-  
ջի ստից սուրբ առաքելոյն ասելով .  
Երանի է քեզ հայր իմ, որ ծնար  
զիս վերատին և ուսուցեր ինձ զոյսն  
կենդանի զՔրիստոս, զի դու եղեր  
ինձ ճանապարհ կենդանի և դեզ  
անմահութեան . արդ խնդրեա ՚ի  
Քրիստոսէ, զի փութով ժողովեա-  
ցէ զիս առ ինքն : Եւ ասէ սուրբ  
առաքեալն . Ահա փութով հասա-  
նես ՚ի լոյսն կենդանի առ որ անձ-  
կացեալն ես : Եւ ասէ սուրբն Սան-  
դուխտ . Տէր իմ, աղաչեմ զքեզ,  
մինչ փոխին՝ մտա կայցես առ իս,  
զի ոչ կարեմ տեւել ՚ի հոգեւոր  
սիրոյ քոյ . և յարուցեալ ազօթէին :  
Եւ համբարձեալ յերկինս զձեռս  
իւր ասէր . Յիշեա զազախին քո  
տէր, և տուր սմա համբերութիւն  
՚ի պատերազմիս այսօր, և արա յա-  
մօթ զթշնամին . զի ծանիցեն ամե-  
նայն հաւատացեալք թէ դու միայն  
ես Աստուած յերկինս ՚ի վեր, և  
յերկիր ՚ի խոնարհ : Եւ գարձեալ

'ի սուրբն Սանդուխտ օրհնեաց զնա  
 և ասէ . Պինդ կաց և զօրացուացէ  
 զքեզ Քրիստոս : Եւ ասա յան-  
 կարծակի հասին բարբարոս իշ-  
 խանքն զօրականօքն հանդերձ 'ի  
 դուռնն : Իսկ սուրբ առաքեալն ե-  
 լեալ զնայր ընդ մէջ նոցա :

Յայնժամ տարան զերանեւին 'ի  
 տեղի սպանմանն . ասէ ցայնոսիկ որ  
 տանեինն . Համբերեցէք սակաւիկ  
 մի , զի կացից յաղօթս առ տէրն իմ  
 և Աստուած : Եւ հայեցեալ յեր-  
 կինս հանդերձ արատուօք և ասէ .  
 Հայր երկնաւոր սիրելի որդւոյ քոյ  
 Յիսուսի Քրիստոսի տեառն մերոյ  
 և փրկչի , հայեաց յերկնից 'ի սրբ-  
 բուծեանէ քումմէ , և արա առ իս  
 զգուծ մարդասէր շնորհաց քոց :  
 Եւ ընկալ զաղախին քո , յանուն  
 Որդւոյ քո սիրելւոյ 'ի հոռանուշից ,  
 և արա զիս արժանի երկնաւոր լու-  
 սոյ աստուածութեան քո , վայե-  
 լեալ յանսպառ և յաւիտենական  
 բարիան , զոր խոստացար սիրելեաց  
 քոց : Եւ հրաժարեալ 'ի սրբոյ ա-  
 ռաքելոյն ընկալաւ զօրհնութիւն 'ի

նմանէ : և մատուցեալ 'ի տեղի հան-  
 դիսին ասէ . Արիք կատարեցէք ըզ-  
 կամս հօրն ձերոյ սատանայի . և մա-  
 տուցեալ ինքնին կամաւորութեամբ  
 զպարանոցն : Եւ ձգեալ դահճին  
 զսուրն , կամէր սպանանել զսուրբ  
 կոյսն Սանդուխտ , և եհար զգահ-  
 ճապեան և սատակեաց զնա : Իբրեւ  
 տեսին բարբարոսքն առաւել զայ-  
 բացեալ 'ի շարէ անտի , առեալ ըզ-  
 սուրան դիմեցին 'ի վերայ նորա , և  
 անդէն հարեալք զիրեարս սատա-  
 կէին : Իսկ սուրբ աղախինն Քրիս-  
 տոսի կայր յաղօթս և ասէր . Տէր  
 Յիսուս Քրիստոս , ընկալ զնա 'ի  
 յարկսոյ յաւիտենից , զի ցանկամ  
 և ուրախ եմ ընդ շարշարանս և ընդ  
 մահ որ վասն անուանոց քո , որ զօ-  
 բացուցեր զնա յաղթել որ մար-  
 տեան ընդ իս , զի քո է յաղթու-  
 թիւն և քեզ վայել է փառք յաւի-  
 տեանս , ամէն : Եւ նոյն ժամայն  
 պատանի ոմն եհար զկուրծս երա-  
 նելոյ կուսին սրբոյն Սանդխտոյ , և  
 ել արիւն և բուրեաց հոս անու-  
 շութեան , և աւանդեաց զոգին

'ի Քրիստոս բարի խոստովանու-  
 թեամբ 'ի Հայր և յԱրդի և 'ի Հո-  
 գին սուրբ : Եւ ծագեաց յերկնից  
 իբրեւ սիւն լուսոյ , և եղև շար-  
 ժումն և ձայն ասեղ երկնաւոր զօ-  
 րաց , որք օրհնէին զԱստուած , և  
 եկաց սիւն լուսոյն 'ի վերայ սուրբ  
 մարմնոյն զերիս տիւս և զերիս գի-  
 շերս : Եւ հաւատացին յաւուր  
 յայնմիկ ոգիք իբրեւ երկու հազար  
 ընդ այր և ընդ կին , և ոչ մեկնեցան  
 'ի տեղւոջէն ուր մարմին սրբոյն  
 Սանգխատոյ էր . և եկեալ սուրբ ա-  
 ուաքեալն 'ի գիշերի մկրտեաց զնոսա  
 յանուն Հօր և Արդւոյ և Հոգւոյն  
 սրբոյ : Եւ առեալ զմարմին սրբոյն  
 Սանգխատոյ՝ եղ 'ի նմին տեղւոջ և  
 արար աներեւոյթ զհանգստարանն  
 երանելի սուրբ տիկնոջն :

Եւ յետ երից աւուրց կատարե-  
 լոյ սրբոյն Սանգխատոյ մօտ յառա-  
 լօմն , կայր յաղօթս սուրբ առա-  
 քեալն , և երեւեալ փրկիչն ասէ .  
 Խաղաղութիւն ընդ քեզ սիրելի իմ-  
 արդ փութա , այսօր հասանես 'ի  
 հանգէս մարտին , և համբերես զի

բազում շարշարանս ամենն 'ի վե-  
րայ քո . և ես ոչ թողից զքեզ . և  
օրհնեալ զնա եղեւ աներեւոյթ :  
Իսկ սուրբ առաքեալն աղօթէր և  
ասէր . Գոհանամ զքէն հայր  
տեառն մերոյ Յիսուսի Քրիստոսի .  
որ ոչ թողեր զիս 'ի ձեռանէ յայս  
'ի բարբարոս երկրիս , այլ առաւել  
գթացար յիս : Արդ ընկալ զիս 'ի  
հոս անուշից աստուածութեանդ  
քո , և զօրացո զիս 'ի սխաւերազմիս .  
ընկալ և յիշեա տէր զաղախին քո  
Սանգուխա , որ փոխեցաւն առ քեզ ,  
և խառնեա 'ի գունդս սրբոց քոց ,  
որ վասն անուան քո սխաւարագե-  
ցան , և ընծայեա զնոսս 'ի լոյս աս-  
տուածութեանդ քո . սրահեա ըզ-  
հաւատացեալս որ 'ի քեզ ապա-  
ւինեցան : Այժմ լուր սրադատա-  
նաց նոցա և հայցուածոց՝ մարգա-  
ուէր . և մի անաւս առներ ըզ-  
խնդրուածս նոցա , որ աղաղակեն  
առ քեզ 'ի առէ և 'ի գիշերի , և հե-  
ռացո զլար բանասարկուն 'ի սոցանէ ,  
և արա յամօթ , զի մի իշխեսցէ մեր-  
ձենալ 'ի գունդ հաւատացելոց քոց .

և զօրացս զծառայքս քո 'ի սէր  
 պատուիրանի քո համբերական ըն-  
 թացիւք մինչև խաղառ : Եւ իբ-  
 րև կատարեաց զաղօթան, օրհնեաց  
 զհաւատացեալն և ասէ : Ար-  
 դեակք, որովհետև ետուք զան-  
 ձինս ձեր Աստուծոյ, և զրեցայք  
 'ի դունդն Վրիառսի, սինդ կա-  
 ցէք 'ի հաւատս, և զօրացուցէ  
 զձեզ Վրիառսս Աստուած, և բազ-  
 մացուցէ զձեզ և արացէ յամօթ  
 զբանասրկուն շարեաց, զմոլորե-  
 ցուցիչն հեթանոսաց : Եւ արկցէ  
 զնա կոխան առաջի սախց ձերոց մին-  
 չև յաւիտեան, և ես ահա փո-  
 խիտ առ ակրն իմ Վրիառսս, և ա-  
 զաչեցից զնա զի առարեացէ զհրեշ-  
 տակ զօրութեան իւրոյ, և պահեա-  
 ցէ զձեզ 'ի շար լծոյ ծառայութեան  
 հեթանոսական մոլորութեանն ուս-  
 տի էսա զձեզ, և պարզեաց 'ի բովս  
 լուսոյ աստուածութեան իւրոյ,  
 ժողովուրդ սեպհական, արդ նա է  
 ձեր հայր, ակր և թագաւոր, նա  
 պահեացէ զձեզ և ոչ թողցէ :

Կրբեւ լուան հաւատացեալքն և

Թէ փաւթով փոխի առ Քրիստոս ,  
 ամենեքեանէ եղեն յարաստուս ,  
 և անկեալ առաջի նորա համբարեփն  
 զսառ նորա և ասեփն : Տէր և կեցու-  
 չիչ հոգւոց մերոց , աղօթեա լաան  
 մեր , և խնդրեա 'ի Քրիստոսէ : զի  
 ոչ Թողցէ զմեզ 'ի ձեռանէ : Ազկեալ  
 յարաստուս սուրբ առաքեալն ա-  
 սեր : Տէր Յիսուս Քրիստոս , մի  
 Թողար 'ի ձեռանէ զսակաւ Ժողո-  
 վուրդս քո որ փարին զինեւ , և  
 պահեա սուրբ աջով քո : Աւ հրա-  
 ժարեալ յամենեցունց արձակեաց  
 յիւրաքանչիւր տեղիս :

Աւ իբրեւ գնացին հաւատա-  
 ցեալքն երկնաւոր օրհնութեամբն ,  
 եկին հասին երկու իշխանք հրամա-  
 նաւ անօրէն Թաղաւորին , և ամ-  
 բօխ բաղմութեան ընդ նոսա . յու-  
 զէին զամենայն տեղիս , կարծելով  
 Թէ ոչ կարեմք գտանել օրսէս յե-  
 րէկն և յեռանդն : Աւ իմացեալ  
 սուրբ առաքելոյն ինքնին եկաց ա-  
 առաջի և ասէ : Ահա ես եմ զօր  
 խնդրէք : Աւ նոցա կաշեալ ամին  
 առաջի Թաղաւորին : Տեսեալ զնա

Թագաւորին սակ : Դաւե եւ թա-  
 գեոս : եւ սակ , Ասե եւ՛ : եւ հայե-  
 ցեալ 'ի նա ետես զերեւոս նորա ա-  
 սաւել պայծառ եւ ահեղ , երկեաւ ,  
 եւ սակ : Զխաբդ գողացար զմիսս  
 շքեալ կուսին գասերն խնոյ , եւ  
 գրաւեցեր զնա 'ի քեզ , եւ հեռա-  
 ցուցեր զնա 'ի հայրենի աթոռոյս  
 խնոյ , 'ի ծիրանազգեամ եւ յսկե-  
 հաւս սրատուոյս : եւ արարեր սակ-  
 լի աստուածոցն մերոց , եւ արարեր  
 զնա որպէս զմի յազքասաց , մին-  
 շեւ զաստուին սրտուս թեան խնոյ  
 կորոյս զնա 'ի սուր անազորս :

Աւսակ սուրբ առաքեալն : Ար-  
 ասացեր վասն սուրբ կուսին , ար-  
 դարեւ եւս գողացայ զնա 'ի սասնա-  
 մանեաց եւ յանգնեցային սրտուսից  
 շարամեա եւ խաւարային գործոց  
 շար պաշտամանցն ձերոց , որք ձո-  
 նեալքդ էք Անահայ կուսուլ գի-  
 ւայն : Աւ գրաւեցի զմիսս նորա 'ի  
 Քրիստոս , ծնանելով երկնաւոր  
 ծնեղեամբ սուրբ աւագանեան , եւ  
 հեռացուցանել զնա 'ի քս հայրե-  
 նի պղծութեանցն : զգեցոյց նմա



Քրիստոս փառս լուսեղէնս զերկնաւոր ճառագայթսն : Առ կարծելով քո սպանանել զնա փոխեցաւ 'ի մահուանէ 'ի կեանս . և թեւազգեցեալ ել 'ի լուսեղէն բանակսն , ընկալաւ զանթառամ սրտակն , և միացեալ 'ի սեր սառած ութեանն խնդրեաց յամենայն ժամ 'ի մէջ սրով բռնական զասուցն փառաւորելով զսուրբ Ղըրբորգ ութիւնն . զի անդ է լոյսն անսպառ , և կեանքն յախանեականք . և ձեր մուտրեալ են միայք , և խաւարեալ խորհուրդք , և թողեալ զարարիչն երկնի և երկրի , որ զձեզ յոչնչէ արար , և հաստատեաց 'ի վերայ երկրի , և 'ի նմանէ է ձեզ կեանք և շունչ . և դուք մուտրեալ երկիրապագանէք կոսց մեռելուտեաց . վասն զի մուտրեցոց զձեզ շար և անիծեալն սատանայ , և արկ զձեզ 'ի կասանս և յորոգայթ մահուս , ունիր նովաւ երթալ 'ի խաւարն արատքին , ուր լալ աչաց է և կրճել սատանայ :

Յայնժամ սրտմտեալ թագաւ .

ւորն ասէ : Աչ է պարտ աննա այս  
 միկ կեալ . և տարեալ զսուրբն թա  
 գէոս կասպանօք արգելին 'ի գղեակ  
 պարսպին , ուր էին մարդակեր գա  
 զանքն : Կրբեւ արձակեցին երկու  
 ասուծք , և եկեալ անկանեին աս  
 ստան և լեզուին զհոգաթափան սոփյ  
 սրբոյն , և սանային քծնելով : Եւ  
 սրբոյն աղօթեալ լուծան կասպանք  
 իւր : Եւ նշանեալ ընդգէմ ասիւ  
 ծուցն գնացին յիւրաքանչիւր ան  
 զիս : Իսկ անօրէն թագաւորն ասա  
 շել գրգռեալ 'ի շարէն հրատայեաց  
 լուցանել հնոց հրոյ և բորբոքեցին  
 յոյժ , և արկին զսուրբ ասաքեալն  
 կասպանօք 'ի ներքս : Եւ նա աղօ  
 թեալ ասէր . Տէր Յիսուս Քրիս  
 տոս հաս ինձ յօգնականութիւն . և  
 ել յանկարծակի հոգմ ուժգին ամ  
 պախաան ցողով , և աս զհնոցն հրա  
 խաան և արկ զանօրէն բարբարո  
 սօքն : Եւ ան երկեաւոր ձայնիցն  
 կորոյս զամենեսեան : Իսկ թագա  
 ւորն փախստական անկաւ յապա  
 բանս իւր , և շար հիւանդութեամբ  
 վարանեալ կայր 'ի տարակուսի :

Իսկ սուրբ առաքեալն էզեալ լի երկնաւոր յուսովն , և եր զուարթ որպէս ըցս , և հաւատացին յաւար յայնմիկ ոգիք շորեքհարեւր երեսուն և երեք , աղաղակէին և աւեին . Մեծ է Աստուածն քրիստոսնէից . և առեալ մկրտեաց զնոսա 'ի նմին ժամու : Եւ զայրացեալ անորէն թագաւորին , տայր հրաման որով սպանանել : Իսկ սուրբ առաքեալն հաստատէր զնոսա 'ի հաւատս կենսաբեր աւետարանին : Եւ յարուցեալ աղօթէր , այսպէս . Տէր Յիսուս քրիստոս Աստուած իմ , մի թողուր զսուրբ ժողովուրդս քս , այլ զօրացս զսոսա 'ի սէր աստուածութեան քս , և զիս ընկալ տէր 'ի հաս անուշից :

Եւ 'ի կատարել աղօթիցն օրհնեաց զհաւատացեալն , և յանձն արար զնոսա քրիստոսի , և ասէ . Արիք ելէք 'ի բարձր տեղին , որ 'ի վերայ քան զմեզ է , և հայեցեալ տեսէք զհանգէս մարտիրոսութեան խմոյ , և ես ետու ձեզ առաջնորդ զՁաքարիաս սիրելին քրիստոսի , որ է

իմ լծակից և պաշտօնեաց տեառն,  
 և նա սուսուցէ ձեզ գրանա սուրբ  
 աւետարանին, զոր եզ ՚ի բերամ  
 նորա սուրբ Հոգին, և հաստատեալ  
 զձեզ ՚ի հաւասար սուրբս փութով  
 հասանէ առ իս, կատարել զնոր,  
 արարածեան հանդէսն: Աշտ օրն  
 նեալ զնոսս գնացին: Աշտ հասեալ  
 բազում զօրականք իշխանօքն հան-  
 դերձ, և կաշեալ զսուրբ առաքեալն՝  
 հանին ՚ի փոքր ձորակէն սակառ մի  
 ՚ի բարձրաւանդակ տեղի մի ՚ի վե-  
 ժամէջս: Իսկ սուրբ առաքեալն ա-  
 զօթէր, և տակր: Տէր Աստուած  
 հայր տեառն մերոյ Յիսուսի Քրիս-  
 տոսի, ընկալ զիս այժմ, և արա  
 զնշան ահեղ աստուածութեանդ,  
 զի գիտացնեն և ծանօթցնեն թէ դու  
 միայն ես Աստուած անկեայն արա-  
 բածոց, և այժմ աղաչեմ զքեզ, մի  
 թողուր ՚ի ձեռանէ զվիճակս զայս,  
 և մի համարիր սոցա զայս մեզս, զի  
 ոչ գիտեն զինչ գործեն, փոխեա  
 զբարբարոս միսս սոցա, և արա սո-  
 ցա ծանաչել զքո աստուածու-  
 թիւնդ, մարդասէր և բազոր տէր:

Աշխատարկեալ զազգոթման, և տեսա-  
 նագրեալ զինքն նշանաւ սուրբ խա-  
 ջիւն, ասէ զգահիճան. Չինչ կամիք  
 արարէք: Աշխատեալ զահիճն  
 ՚ի վերայ սրբոյն սրով և հար զՉե-  
 մենաստ զեղբայր իւր և սասակեաց  
 զնա, որ էր իշխան ՚ի վերայ ամե-  
 նայն ճանապարհաց և հաւատարիմ  
 ՚ի գրան արքունի: Իսկ սուրբ առա-  
 քեալն իրրեւ ետես եթէ մեռա-  
 այրն, արամեցաւ, զի էր գարնա-  
 նիչ հաւատացելոյ, և ամենայն սաս-  
 րաց ընդունող: Աշխատեալ սուրբ ա-  
 րարեալն առ մեռեալն, հայեցաւ  
 յերկինս և ասէ. Հայր տեսան մե-  
 րոյ Յիսուսի Քրիստոսի, հայեաց  
 յերկնից ՚ի սուրբ ամթոսոյ քում-  
 մէ, և կենդանացս զմեռեալս զայս,  
 զի գիտացին եթէ գու միայն եւ  
 Աստուած, և բուռն և հար զձեռա-  
 նէ մեռելոյն, և ասէ. Քեզ ասեմ,  
 արի կաց յանուն Յիսուսի Քրի-  
 ստոսի սրբոյն Աստուծոյ: Կանգնե-  
 ցաւ և յարեաւ, և անկեալ առաջի-  
 րոսից սրբոյն ասէ. Հաւատամ յԱս-  
 տուածն քս, զի նա միայն է Աս-

սուած , և չիք այլ ոք , և եզ ձեան  
 'ի վերայ վերացն և բժշկեաց զնա :  
 Եւ հաւատացին 'ի ժամուն որդի  
 եւթն հարիւր և քսան , և առաջնորդ  
 հաւատացելոցն էր Չեմենտոս՝ զոր  
 կենդանացոյց Քրիստոս 'ի ձեան  
 սուրբ առաքելոյն : Եւ ասէ սուրբ  
 առաքեալն ց Չեմենտոս . Ահա կեն-  
 դանացոյց զքեզ Քրիստոս , որդին  
 Աստուծոյ . և փրկեաց զքեզ 'ի հայ-  
 բննի մուրումեանէն , և արար զքեզ  
 արժանի երկնային լուսոյն , արդ  
 զօրացիր և պինդ կաց 'ի հաւատան  
 Քրիստոսի , և նա պահեսցէ զքեզ ,  
 և զամենայն հաւատացեալսդ : Եւ  
 առեալ մկրտեաց զնոսա , և համ-  
 բուրեաց երկնային սիրովն , որհ-  
 նեաց զնոսա և յանձն արար սուրբ  
 Հոգւոյն , և ասէ . Երթայք խաղա-  
 դութեամբ , տէր ընդ ձեզ : Այս  
 ինքն աղօթէր 'ի վերայ հաւատացե-  
 լոցն և ասէր . Տէր իմ Յիսուս , պա-  
 հեա զնոսա , և արա յամօթ զչարն ,  
 և զնա ընկալ տէր իմ : Իբրեւ կատա-  
 րեաց զաղօթան , և թագաւորն բար-  
 կացեալ հրամայեաց փութով սպա-

նանել զառաքեալն : Եւ կատարե-  
 ցաւ 'ի նմին ժամու սրով : Եւ 'ի  
 կատարել սրբոյն բուրեաց հոտ ա-  
 նուշութեան , և ձայն աշեղ սասա-  
 կութեան , և ծագեաց լոյս յերկ-  
 նից 'ի վերայ սրբոյն , և եղև շար-  
 ժութի մեծ , և պատառեալ վիմին  
 ընկալաւ զսուրբ մարմինն առաքելոյն  
 զօրութեամբն Աստուծոյ , և անօ-  
 բնէն եղեն փախստահանք : Իսկ  
 հաւատացեալքն զօրանային 'ի լու-  
 սոյն ճառագայթիցն , և սուրբ առա-  
 քեալն Թագէոս էր 'ի մէջ նոցա իբ-  
 րեւ զլոյս : Ազաղակեցին միաբան և  
 ասեն . Սուրբ առաքեալ Աստուծոյ  
 հայր մեր , յիշեա զմեզ և մի մտաւ-  
 նար , զի կարծէին եթէ մարմնով  
 համբարձաւ : Եւ յարուցեալ իջին  
 'ի տեղի սպանմանն , իմացան եթէ  
 սրով կատարեցաւ : Եւ վիմին պա-  
 տառեալ ընկալաւ զսուրբ մարմինն .  
 ապա եղեալ յարասուս լային , և  
 հաւատացին յաւուր յայնմիկ ոգիք  
 երեք հազար և չորս հարեւր և երե-  
 սուն և երեք ընդ այր և ընդ կին .  
 փառաւորելով զսուրբ Երրորդու-  
 թիւնն 'ի բարձունս :

Կա ՍԱՄՈՒԷՆ, եպիսկոպոս անար  
 Տան ծառայ Վրիտասի, Թարգմա  
 նեցի զվկայութիւն սուրբ առաքե  
 լոցն Թագեոսի, և զսրբոյ կուսին  
 Սանդխոսոյ, և ետու ամենայն Հայ  
 սասան աշխարհի 27 : Արք ընթեա  
 նուք և կատարեք զխշատակ երկե  
 ցունոց ընտրելոցն, արժանի համա  
 բեօջեք յիշել զանարժանս 'ի սուրբ  
 աղօթս ձեր :

Կատարեցաւ սուրբ առաքեալն  
 Թագեոս 'ի քաղոց ամսոյ երեքսա  
 սան, յիններորդ Տամու, և սուրբն  
 Սանդուխոս յեւթն նորին ամսոյն,  
 'ի փառս ամենասուրբ Արքորդու  
 Թեանն, ամէն :



# ՊՍՏՄՈՒԹԻՒՆ

ԹԱԴԷՈՍԻ ԱՌԱՔԵԼՈՅՆ

ԵՒ ՍԱՆԴԻՏՈՅ ԿՈՒՍԻՆ



ՍՈՒՐԲ առաքեալն թաղեոս էառ զՀոգին սուրբ ընդ այլ առաքեալնն 'ի վերնասառնն . և 'ի վիճակելն զաշխարհս 'ի վերայ սրբոց առաքելոց . Եհաս վիճակն թաղեոսի երթալ 'ի քարոզութիւն Հայոց ազգի . և Պետրոս վէմն հաւատոց , որ էր զլուսի սուրբ առաքելոցն՝ ետ զգեզարդն աստուածամուսի իբր զէն թաղեոսի , օգնական և օժանդակ 'ի քարոզութիւն առաքելոցն : Եւ նա առեալ զգեզարդն աստուածամուսի , և եկն Ձերհա քաղաք աթաղաւորն Հայոց և Ասորոց Աբգար , որպէս և խոստացեալ էր նմա

Քրիստոս, առաքել ճարտար բժիշկ  
 Արդարու զմի ոմն յաշակերաց ի-  
 րոց : Եւ ՚ի մասնել առաքելոյն ա-  
 ռաջի Արդարու՝ ետես արքայ նշան  
 ահեղ լուսոյ ՚ի վերայ երեսաց թա-  
 գէոսի, և թագ սակի ՚ի գլուխ նա-  
 րա : Եւ զարհուրեալ արքայ անկա-  
 ՚ի վերայ երեսաց իւրոց, և երկիր  
 եպագ թագէոսի : Եւ մատուցեալ  
 սուրբ առաքեալն թագէոս եգ  
 ձեռս ՚ի վերայ արքայի և բժշկեաց  
 զնա ՚ի չար վերայ անոսի ուրկու-  
 թեան : Եւ քարոզեալ նմա զբանն  
 կենաց, և լուսաւորեաց զամենայն  
 քաղաքն Եգեօսիայ, միրաութեանք  
 սուրբ աւագանիին, և շինեաց եկե-  
 ղեցիս և կարգեաց քահանայս և  
 սարկաւազունս :

Եւ ձեռնադրեաց նոցա եպիսկո-  
 պոս զԱզգէ կերպասագործ մի յա-  
 շակերաց իւրոց, և ինքն թղթովն  
 Արդարու հրամանաւ Քրիչին և զի-  
 նու գեղարդին գայ յաշխարհս վե-  
 րին Հայոց առ Սանտարուկ ար-  
 քայն, որ էր քեաորդի հաւատա-  
 ցեալ արքային Արդարու, և հան-

գիտեցաւ նմա 'ի գաւառն Արաս-  
 զա 'ի գեղադքազարքն Շաւարշան :  
 Եւ քարոզեաց անդ զբանն կենաց  
 և արար սքանչելիս մեծամեծս .  
 որով հաւատացին բազումք 'ի տէր  
 և մկրտեցան : և եկեալ գաւառ  
 թագաւորին Սանատրկոյ , որոյ ա-  
 նան էր Սանգուխա՝ գեղեցիկ տեա-  
 լեանք և սղաց հասակաւ : որ եկն  
 'ի գիշերի առ թագէտս և լուաւ 'ի  
 նմանէ զքարոզութիւն աւետարա-  
 նին , և հաւատաց 'ի Քրիստոս և  
 մկրտեցաւ : և նշան 'ի յերկնից ե-  
 րեւեցաւ 'ի վերայ սուրբ կուսին :  
 զոր տեսեալ բազմաց հաւատացին  
 'ի Քրիստոս : Եւ լուաւ թագաւորն  
 հրամայեաց որով կոտորել զհաւա-  
 տացեալն , և մինչդեռ կամէին  
 սպանանել զսուրբ առաքեալն ,  
 յանկարծակի շարժումն եղև , և  
 լոյս պայծառ ծագեցաւ անդէն .  
 յորմէ զարհուրեալ անհաւատացն  
 եղն փախաւանկան և ոչ կարացին  
 մեռն արկանել 'ի սուրբ յառա-  
 քեալն : Եւ երեւեալ նմա տէր  
 Քրիստոս և ասէ զնա . Քաջալե-

րեաց Պաղէսս , և սինդ կաց զի եւ  
 ընդ քեզ եմ : Աւ գու հասկերես  
 զի բազում նեղութիւնք հասանե  
 լաց են քեզ , և ոչ ընդունին զք  
 քարոզութիւնդ : և որք կատարե  
 ջանե վանե սնունտն իմոյ , ես ապ  
 նոցա տեղի 'ի տան Հօր իմոյ : Ատ  
 Պաղէսս ջանք : Տէր իմ , և ես փա  
 թամ հասանել 'ի լոյս աստուածու  
 թեան քո : Ատէ տէր : Ինդա և ու  
 բախ լեր , զի կատարեացին կանգ  
 հայցման քո : և զայս ասացեալ  
 վերացաւ տէրն յերկինս : Աւ 'ի  
 փարասել լուսոյ Ճառագայթիցն  
 առ սակաւ սակաւ հայեցեալ տեօն  
 զառաքեալն զի ազօթէր : Աւ զորա  
 կանայնն անկեալ առ ոսոս առաքե  
 լոյն գողալով և ասէին : Հաւատասկ  
 Աստուածն քո զոր գու քարո  
 զես , և փարէին զափեք սրբոյն , և նա  
 առեալ մկրտեաց զնոսա : Աւ յեւ  
 այնորիկ եկին այլ զինուորք և կա  
 լեալ զառաքեալն եզին 'ի բանդի  
 ընդ նմին և զՍանդուխտ , և զայլ  
 սմանս 'ի հաւատացելոցն :

Աւ թագաւորն Սանաարուկ մկ

սայրոյ լինելը տեսանելով զի որ ըստ  
 որի աճեցեալ յառելութիւն հաւա-  
 սացեալքն 'ի Վրիստոս : Առ խոր-  
 հեր վասն շքեագագեղ կուսին  
 Սանդխոյ : սպանանել ոչ կամեր  
 վասն աղետեացն և զԹոյ հայրու-  
 թեան զի առաւել սիրելի զնա : և  
 յորժամ յիշեր ըսյր գառնապէս :  
 Առ ապա յիշաց զայր սին 'ի բան-  
 դրն , որ եկեալ եղիս զգրուես բան-  
 դին 'ի բաց : և մտեալ եղիս ըզ-  
 բանդն զի լուսով , և զսուրբ առա-  
 քեանն զի քարոզեր զՎրիստոս ա-  
 մենայն բանգարգելոցն : Առ տե-  
 սեալ զայն՝ անկառ ահ 'ի վերայ  
 նորա : և անկեալ յերկիր սանջեր  
 աներեւոյթ սանջանօքն : Կսկ սուրբ  
 առաքեալն ձեռս եղեալ յարոյց  
 զնա և հաստատեաց : Առ հաւատաց  
 հազարապետն 'ի Վրիստոս , և ա-  
 մենայն որք ընդ նմա կին : վասն զի  
 նա էր երկրորդ Թագաւորութեան  
 հայոց : Առ լուեալ Թագաւորն  
 զայրացաւ , և հրամայեաց սպանա-  
 նել զհաւատացեալն : Կսկ սուրբ  
 առաքեալն հրամայեաց սրբոյն Սան-

գրխոսոց զսպել զսպանեալսն և թա-  
 զել : Եւ սուրբն Սանգուխա եւ  
 բերել կտաւս և գնացեալ հաւա-  
 տացելովք թաղել զերանելի նահա-  
 հատահան . զորս համբուրէր արաս-  
 սուօք սուրբն Սանգուխա , և ամ-  
 փոփէր զնոսա պատանօք և տայր  
 թաղել : Եւ գարձեալ 'ի բանգն  
 առ սուրբ առաքեալն և աղաչէր  
 զնա զի աղօթեացէ վասն նորա հա-  
 սանել նմա երանելեացն , և արժա-  
 նի լինել սրբոց պատկացն : Եւ  
 սուրբ առաքեալն ասէ զՍանգուխա .  
 Երանի է քեզ սուրբ կոյս , հարսն  
 երկնաւոր փեսային , համբերեա  
 սակաւիկ մի և տեսանես զՔրիս-  
 տոս . և մինչ նա խօսէր զբանն կե-  
 նաց , ահա եկին զօրականքն 'ի թա-  
 գաւորէն և տարան զսուրբ առա-  
 քեալն կապանօք , և զորս ընդ նմա-  
 բայց զսուրբն Սանգուխա ոչ կա-  
 պեցին :

Եւ իբրեւ կացուցին առաջի թա-  
 գաւորին կոչեաց զսուրբն Սան-  
 գուխա առ ինքն և ասէր . Մօտ եկ  
 առ իս գուսար իմ գեղեցիկ Սան-

դուխա: Իսկ նա ոչ ահամբ հայեցաւ  
 'ի նա 28 : Ասէ արքայ • Աւրացա՞նք  
 զիս , որդեակ , և սիրեցե՞ր զմուտրե-  
 ցուցիչդ զայդ : Արդուեալ եմ աս-  
 տուածովքն , զի շարաշար մա-  
 հուամբ կորուսից զնա և զքեզ : Պա-  
 տասխանի եւս սուրբն Սանդուխա և  
 ասէ • Այն զոր դու մուտրեցուցիչ  
 կոչես , նա զիս 'ի մուտրութենէ 'ի  
 լոյս աստուածգիտութե փոխեաց •  
 և ծանոյց զտէրն իմ Յիսուս Քրիս-  
 տոս զարարիչն երկնի , և ես փու-  
 թամ առ հայրն իմ Քրիստոս , որ  
 տէրն է տերանց և թագաւոր թա-  
 գաւորաց • և նա է լոյս ամենայն  
 արարածոց : Ասէ թագաւորն • Ո՞վ  
 է նա զոր կոչես դու Աստուած և  
 արարիչ • ասէ սուրբն Սանդուխա •  
 Աստուած է նա որ յոչնչէ արար և  
 հաստատեաց զերկինս և զերկիր • և  
 դուք խաւարեալ խորհրդով պաշ-  
 տեք զկուռս , որ ոչ տեսանեն և ոչ  
 լսեն , ոչ խօսին և ոչ հաստատին , ոչ  
 գնան և ոչ շոշափեն , յորս բնա-  
 կեալ են դուք և խաւարեալ կորու-  
 սանեն զժիսս ձեր • և առնեն զձեզ

որդիս գեհեհնին, ուր լալ աչացն 7  
կրճել ատամանցն անսպառելի է :

Յայնժամ սրամտեալ թագաւորն, եւ հրաման կապել զձեռս  
'ի յետս, և հարկանել անչափ զ  
ուրացի զՔրիստոս : Եւ մտառ  
ցեալ դահճացն կապեցին զսուրբն  
Սանգուխա, և կամէին քարշել և  
հարկանել : Իսկ սուրբ առաքեալն  
յարտասուս հարեալ ասէր . Տէր  
իմ Յիսուս Քրիստոս, հայեաց յա  
ղախին քո, և զօրացո զսա կալ ընդ  
դէմ շարին հնարից, և արա յամօժ  
զհակառակորդն ճշմարտութեան :

Եւ մինչդեռ շարշարէին զսուրբն  
Սանգուխա, յանկարծակի եղև  
շարժումն յերկնից, և ձայն ասա  
ղին որ ասէր . Քաջալերեաց գու  
արբ, պինդ կաց և մի երկնչիւր, զի  
եւ ընդ քեզ եմ : Եւ առժամայն  
լուծան կասպանք նորա, և խաւա  
րեցան դահիճքն 'ի լուսոյ պայծա  
ռութենէն որ փալեաց շուրջ զկու  
սին, և աս կալաւ զամենեւեան  
հանդերձ թագաւորան, և սուրբ  
կոյն Սանգուխա ել արտաքս փու



Թանակի և դնաց առ սուրբ առաքեալն Թադէոս և փարէր զոտիւք նորա և ասէր . Ահա եհաս ատէր Յիսուս Քրիստոս յօգնականութիւն ինձ , և արձակեաց զիս ՚ի կապանաց անտի , և յամօթ արար զստանայ և զարբանեալս նորա : Եւ սուրբ առաքեալն Թադէոս գոհանայր զԱստուծոյ և տայր քաջալերութիւն սրբոյն Սանդիսայ :

Յայնժամ դայր հասանէր իշխան ոմն հրամանաւ Թադաւորին , և սնկեալ արտասուօք առ ոսս առաքելոյն և ասէր . Յղեաց առ քեզ Թադաւորն և ասէ . Մեղայ քեզ և Աստուծոյն քո , Թող մեզ և ազօթս արա վասն մեր , զի անցանէ զմեւք սասակութիւն բարկութեանս զի կորնչիմք աւասիկ . արդ զինչ և կամիս դու արասցուք : Երբեւ լուաւ զայս սուրբ առաքեալն՝ յարտասուս եղեալ աղաչեաց զԱստուած : Եւ առժամայն դադարեաց շարժումն , և եղեւ խաղաղութիւն , և լուծան կապանք նոցա և լռեցին ձայն ահեղ որոտմանցն : Յայնժամ

հաւատաց իշխանն ամենայն տամբ  
 իւրով, և մկրտեցաւ, և կոչեցաւ  
 անուն նորա Սամուէլ, և ոչ ոք էր  
 նման նմա ՚ի Թագաւորութեանս  
 Հայոց:

Իսկ Թագաւորն գրգռեալ ՚ի շա-  
 րէն հրամայեաց բեւեռս հարկա-  
 նել ընդ օտս նորա, և նա այնպէս  
 կատարեցաւ, և այլ եւս ոգիք եւթն  
 ընդ նմա յաշակերտաց սրբոյն: Եւ  
 եղև նշան լուսոյ ՚ի վերայ նոցա, և  
 ահ մեծ անկաւ ՚ի վերայ անօրի-  
 նացն: Իսկ սուրբն Սանգուխս ե-  
 լեալ ՚ի գիշերի՝ հանդերձ ընկերօքն  
 գնացեալ եբարձ զմարմինս նոցա, և  
 պատեաց մտքուր կտաւօք զմարմինս  
 նոցա, և Թաղեաց ՚ի փոքր ձորա-  
 կին: Եւ մխիթարէր զամենայն հա-  
 ւատացեալսն բանիւ սուրբն Սան-  
 գուխս, և կերակրէր զնոսա հա-  
 ցիւ, և զգեցուցանէր հանդերձիւ,  
 և առնէր նշանս և արուեստս յա-  
 նուն Յիսուսի Քրիստոսի: Եւ ՚ի  
 վաղիւ անդր հաւատաց ՚ի Քրիստոս  
 կին ոմն անուն Չարմանադուխս  
 քարոզութեամբ սրբոյն Սանգրխ.

տոյ, և մկրտեցաւ ամենայն տամբն իւրով, որք էին ոգիք երկու հարեր: Եւ լուեալ Թագաւորն ետ հրաման զՉարմանագութիան միայն սպանանել, և քաղուիք ՚ի կատարմանն Չարմանագիտոյ հաւատացին ՚ի Քրիստոս վասն փայլման պայծառ լուսոյն՝ որ էջ ՚ի վերայ Չարմանագրիտոյ:

Եւ լուեալ Թագաւորին մրմուռեցաւ ՚ի վերայ Սանգիտոյ և ասաց սպանանել զնա, քանզի ասէր Թէ Նա մոլորեցուցանէ զամենեւեան, և եկեալ կալան զնա և տարան ՚ի տեղի կատարմանն: Եւ առեալ դահիճն զսուրն զի սպանցէ զՍանգութիա, և եհար զդահճապետն և սպան զնա: Իսկ անհաւատքն առաւել գրգռեալ ՚ի չարէն, գիմեցին ՚ի վերայ սուրբ կուսին Սանգրիտոյ, և անգէն զիրար հարեալ սատակեցին: Իսկ սրբուհին Սանգութիա կայր ՚ի մէջ նոցա և աղօթէր. Տէր Յիսուս ընկալ զիս: Եւ մի ոմն ՚ի զօրականացն հարեալ զսուրն ՚ի սիրա կուսին Սանգիտոյ, և նա ան-

գէն աւանդեաց զհոգին իւր առ  
 Աստուած : Յայնժամ բուրեաց  
 հոս անուշութեան , և ծագեաց լոյս  
 'ի յերկնից իբրև զսիւն հրոյ և եկաց  
 'ի վերայ մարմնոյն Աւանդխաոյ զերիս  
 փառս և զերիս գիշերս . վասն որոյ  
 հաւատացին 'ի Քրիստոս յաւուր  
 յայնմիկ ոգիք երկու հազար ընդ  
 այր և ընդ կին , և ոչ մեկնեցան 'ի  
 տեղւոջն . և եկեալ սուրբ առա-  
 քեալն թագէոս մկրտեաց զամենե-  
 սեան յայնմ գիշերի . և առեալ  
 զմարմին սուրբ կուսին եդ 'ի նոյն  
 տեղւոջն , և արար զգերեզմանն  
 յայտնի լոյս արգել շնորհօք 29 :

Եւ աղօթեալ գնաց առ աշա-  
 կերսան սուրբ առաքեալն և մխի-  
 թարեաց զնոսա . և անդէն եկեալ  
 հասին երկու իշխանքն և բազում  
 ամբօխ ընդ նոսա . և կալեալ զԹա-  
 գէոս ամին առաջի թագաւորին .  
 և հայեցեալ ետես զնա թագաւորն  
 պայծառաստիպ և յոյժ ահեղատես ,  
 և ոչ կարաց խօսել ընդ նմա խառու-  
 թեամբ . այլ ասաց նմա կակղարար ,  
 թէ ընդէր գողացար զմիսս չքնա-

զազեղ գասերն խնոյ Սանդխաոյ :  
 Ասէ Թագեոս . Այո , ես գողա-  
 ցայ զգուսարն քո 'ի խաւարային  
 գործոց եւ 'ի շար պաշտամանոց ձե-  
 տոց , եւ գրաւեցի զնա առ Քրիստոս  
 ծննդեամբ սուրբ աւագանին . եւ քո  
 կարծեալ սպանանելով զնա փոխե-  
 ցաւ 'ի մահաւանէ 'ի կեանս : Ընդ  
 որ բարկացեալ Թագաւորն եւս ար-  
 կանել զսուրբ առաքեալն առաջի  
 մարգակեր գազանայն , եւ եկեալ ա-  
 ռեւձքն անկանէին առ ոսոս սրբոյն :  
 Արբեւ տեսին զայն անօրէնքն լու-  
 ցին հնոց եւ բորբոքեցին յոյժ եւ ըն-  
 կեցին զսուրբ առաքեալն կապանօք  
 'ի ներքս : Աւ նա ազօթէր եւ ասէր .  
 Տէր իմ Յիսուս , հաս ինձ յօգնու-  
 թիւն : Աւ յայնժամ ել հարմ ուժ-  
 գին ամպախառն յօղով լի , եւ առ ըզ-  
 հարն բորբոքեալ եւ արկ զանհաւա-  
 սովքն . եւ ընդ նմին ձայն ահեղ  
 որոտմանոց սաստիկ յերկնից եւ սա-  
 տակեաց զբաղումս . եւ Թագաւորն  
 անկաւ փախստական 'ի յապա-  
 բանսն , եւ շարաշար սաղնասպա-  
 կայր 'ի սարակուսի . եւ սուրբ առա-

քեանն թաղէսս ելեալ ամբողջ 'ի  
 հրոյն : Եւ հաւատացին յաւուրն  
 յայնմիկ ողկեք չորեքհարեւր և քա-  
 ռասուն և երեք, որք աղաղակէին  
 և սակին . Մեծ է Աստուածն քրիս-  
 տոնեից : Եւ սուրբ առաքեալն մկր-  
 տեաց զնոսս 'ի նմին ժամու, և ա-  
 ղօթեաց այսպէս 'ի վերայ նոցա .  
 Տէր Յիսուս և Աստուած իմ, մի թա-  
 ղուր զժողովուրդս քո, այլ զօրացո  
 զսոսս 'ի սէր սիրութեան քո, և  
 զիս ընկալ 'ի հոս անուշից : Եւ այն-  
 պէս օրհնեաց զհաւատացեալսն և  
 յանձն արար Քրիստոսի : Եւ ա-  
 սաց նոցա . Արեք, ելէք 'ի բարձր  
 տեղին, և հայեցեալ տեսէք զկա-  
 տարածն իմ : Եւ ես ահա ետու ձեզ  
 առաջնորդ զՋաքարիա սիրողն  
 Քրիստոսի . զի ինձ լծակից է և ձեզ  
 պաշտօնեաց 'ի տէր : Եւ նոքա օրհ-  
 նեալք 'ի նմանէ ելին 'ի բարձրա-  
 գոյն տեղին 'ի գլուխ գահաւանդակ  
 գարին : Եւ սուրբ առաքեալն կայր  
 անդէն և աղօթէր . և ահա հասին  
 իշխանքն բազում ամբոխիւ հրամա-  
 նաւ թագաւորին, և կալեալ զսուրբ

առաքեալն հանին 'ի փոքր ձորակէն  
 'ի բարձրաւանդակ տեղի մի 'ի վիմա-  
 մէջս : Եւ առեալ դահիճն զսուրն  
 զի սպանցէ զառաքեալն և եհար  
 զեղբայրն իւր զԶեմենաոս և սպան  
 զնա , որ էր իշխան 'ի վերայ ամե-  
 նայն ճանապարհացն , և հաւատա-  
 ըիմ 'ի գրան արքունի . և էր յոյժ  
 ողորմած բարութն և աղքատասէր ,  
 դարմանիչ օտարաց և կարօտելոց :  
 Եւ սուրբ առաքեալն իբրեւ ետես  
 թէ մեռաւ այրն բարի , տրամեցաւ  
 յոյժ , զի էր դարմանիչ հաւատա-  
 ցելոցն , և ընդունող օտարաց :  
 Յայնժամ եկաց սուրբն Թադէոս  
 մօտ առ մեռեալն , հայեցաւ յեր-  
 կինս և ասէ . Հայր տեառն մերոյ  
 Յիսուսի Քրիստոսի , հայեաց յեր-  
 կնից 'ի սրբութենէ քումսն , և կեն-  
 դանացո զմեռեալս զայս . զի զի-  
 տասցեն թէ դու ես Աստուած ա-  
 մենայնի , և ակր կենդանեաց և մա-  
 հու : Եւ կալեալ զձեռանէ մեռե-  
 լոյն և ասէ . Քեզ ասեմ , արի կաց  
 յանուն Յիսուսի Քրիստոսի : Եւ  
 նայնժամայն յարուցեալ մեռեալն

անկառ առ սոս սրբոյն և աներ. Հա-  
 լատամ յԱստուածն քո զոր դու  
 քարոզես, զի նա միայն է Աստուած:  
 Եւ եդ զձեռն իւր թաղեսա՛ ի վե-  
 րայ նորա և սղջացոյց զնա: Եւ հա-  
 լատացին՛ ի Քրիստոս յաւուր յայն-  
 միկ սգիք չիւղհարեւր և քան. և  
 առաջնորդ հաւատացելոցն էր Չե-  
 մնասա: Եւ օրհնեաց զնոսա թա-  
 գեսա և համբարեաց և յանձն ա-  
 րար Աստուծոյ հոգւոյն անելով.  
 Երթայք՛ ի խաղաղութիւն, և աներ  
 ընդ ձեզ լիցի: Եւ լուեալ զայս թա-  
 գաւորն բարկացաւ և ստիպեաց ըզ-  
 դահիճսն սպանանել զսուրբն: Եւ  
 նոյնժամայն բարեաց հաս անոյշ և  
 ծաղեաց լոյս սրոյժառ՛ ի վերայ և  
 եղև ձայն ահեղ և շարժումն մեծ:  
 Եւ սրտառեալ վիճին ընկալաւ ըզ-  
 մարմին սուրբ առաքելոյն՛ ի ներքս,  
 և դարձեալ կնքեցաւ. և անհա-  
 լատքն եղեն փախստակամ ի լու-  
 սոյն: Եւ ելեալ հաւատացեալքն  
 անսին զի անխոփեալ էր մարմին  
 սուրբ առաքելոյն, և հաւատացին  
 յաւուր յայնմիկ անձինք երեքհա.



զար և չորս հարեւր : Եւ էին նոցա վերակացու Չաքարիա և Չեմենտոս :

Աստարեցաւ սուրբն Սանդուխա 'ի գեկտեմբերի հնգեասանն . և յետ ութ աւուր զսուրբ առաքեալն Թադէոս գլխատեցին : Եւ 'ի կատարման Ժամուն տեսին հաւատարեցեալքն զհոգի առաքելոյն լուսապայծառ յերկինս վերացեալ, և կարծեցին թէ մարմնով վերացաւ և միտքան ազազակեցին . Սուրբ առաքեալ հայր մեր յիշեա զմեզ առ Քրիստոս : Եւ ապա իջեալ 'ի տեղի կատարմանն և տեսեալ զարիւնն և ծանեան զմարմինն 'ի վիժին ամփոփեալ և զհոգին առ Աստուած վերացեալ . և հիացեալ փառս ետուն Աստուծոյ :





# ՎԿԱՅՈՒԹԻՒՆ

## ՍՐԲՈՅՆ ՍԱՆԴԻՏՈՅ

## ԴՄՏԵՐՆ ՍԱՆԱՏՐԿՈՅ

## ԱՐՔԱՅԻ

ՍՈՒՐԸՆ Սանդուխտ էր գուտար  
Սանտարկոյ արքային հայոց և էր  
կոյս . և 'ի քարոզել առաքելոյն  
Թագեոսի գրանն կենաց , նա յօ-  
ժարութեամբ ընդունէր , և հաւա-  
տաց յԱստուած կենդանի որ ա-  
րար զերկինս և զերկիր . և ցանկոր-  
դեալ էր 'ի յահ և յերկիւղ , և սը-  
նաւ սրբութեամբ . և 'ի գեւջ ժա-  
մաւ երթեալ առ սարբ առաքեալն  
լսել 'ի նմանէ գրանն կենաց , որով  
զիւր զանձն ապրեցուցէ 'ի սրա-  
րանաց բանտարկութե , և 'ի հայրե-  
նեացն մուրութենէ . կալ հաստա-

տունն 'ի հաւատանն , և 'ի փորձու-  
թեանց զերծանել Քրիստոսի :  
Ասէ առաքեալն . Չգոյշ կաց , և  
մարտիր զբարիոք մարանն որք նեղեն  
և լիկեն զքեզ , զիր 'ի սրտի քում  
զՔրիստոս , և կարգա բոլորով սըր-  
տի քով զնա , և հասցէ քեզ յօգ-  
նականութի , և զօրացուցէ զքեզ և  
յամօթ առնէ զհակառակորդսն քո ,  
և մի քաղցրասցի քեզ սէր երկրային  
և անցաւոր , որ այսօր է և վաղիս  
կորնչի , և ոչ եւս երեւի , այլ հա-  
ւատով և յուսով և սիրովն Քրիս-  
տոսի ամբացս զքեզ , և ոչ մերձեացի  
առ քեզ շարն , և ոչ կարկեցեն հը-  
նարք շարին գրգռել զքեզ 'ի յու-  
սոյն յաւիտենից և յանանց ուրա-  
խութեանցն , յորս վայելեցուցէ  
զքեզ ընդ սուրբս և ընդ սիրելիս  
անուան իւրոյ , 'ի ձեռն շարշարա-  
նաց և տանջանաց՝ զոր ընդունելոց  
ես վասն անուանն Քրիստոսի Յի-  
սուսի և Աստուծոյ :

Եւ ահա յանկարծակի հասին  
նախարարքն հայոց բազում զօրա-  
կանօք 'ի գուրնն՝ ուր էր սուրբ առա-

քեալն թաղէոս . իսկ նա ելեալ  
 գնայր ընդ մէջ նոցա , և նոքա ոչ  
 տեսին . և բազում խնդիրք լինելն  
 վասն սրբոյ առաքելոյն , և իբրեւ  
 ոչ գտանելն , կալեալ զուրբն  
 Մանգուխա , ասնն շերանելին . Փռ-  
 խանակ զի թողեր զաստուածան և  
 արհամարհեցեր զմեծ թագաւորն  
 մեր զհայրն քո , և գնացեր զհեա  
 Աստուծոյն քրիստոնէից , և եզեր  
 թշնամանք Հայոց աշխարհիս , վասն  
 այսորիկ շարամահ սպանցուք զքեզ :  
 Իսկ սուրբն Մանգուխա հայեցեալ  
 յերկինս հանդերձ արաստուգ ա-  
 զազակէր և ասէր . Տէր Յիսուս  
 Քրիստոս հաս յօգնականութիւն 'ի  
 սպասերազմիս որ նեղեն զիս . և զօ-  
 բացս զիս 'ի Ժուժկալութիւն սրն .  
 գութեան նեղութեանս , մեռանել  
 վասն անուանոց քո մեծի , և ընկալ  
 և խառնեա զիս 'ի գունդս սրբոց  
 քոց , և 'ի թիւս այնոցիկ որք սիրե-  
 յին զքեզ և հաճոյ եզեն աստուա-  
 ծութեանոց քում . որոց փառաւո-  
 բեալ են մահք իւրեանց առաջի քո  
 տերութեանոց : Իսկ սուրբ առա-

քեալն մտասկից եղեալ քաջալերէր  
 զերանեւին 'ի Քրիստոս Յիսուս . և  
 ասէ սուրբն Սանգուիսա . Հայր իմ,  
 մի թողուր զիս մինչեւ կատարեցից  
 զընթացս իմ : Ըսէ սուրբ առաքեալն  
 ցերանեւին Սանգուիսա . Պինգ կաց  
 և զօրացիր 'ի Քրիստոս Յիսուս .  
 և այժմ տեսանես զՔրիստոս առ  
 որ անձկացեալն ես . և անհաւա  
 րիցն ոչ երեւէր սուրբ առաքեալն :  
 Յայնժամ տարան զերանեւին 'ի  
 տեղի սպանմանն . ասէ ցայնոսիկ որ  
 տանէինն . Համբերեցէք սակաւիկ  
 մի , զի կացից յազօթս առ Աս  
 տուածն իմ և տէր . և հայեցեալ  
 յերկինս հանգերձ արտասուօք , և  
 ասէ . Հայր երկնաւոր սիրելի որդւոյ  
 քոյ Յիսուսի Քրիստոսի տեառն մե  
 րոյ և փրկչի , հայեաց յերկնից 'ի  
 որբութենէ քումմէ , և արա առ իս  
 զգութ մարգասէր շնորհացդ քոյ ,  
 և ընկալ զողախին քո յանուն որ  
 դւոյ քո սիրելւոյ 'ի հոս անուշից ,  
 և արա զիս արժանի երկնաւոր լու  
 սոյ աստուածութեանդ քոյ վայե  
 լեալ յանսպառ և յանվախճան և

յաւիտեանական բարիան , զոր խոս-  
 տացար սիրելեաց քոց , որ կայ սա-  
 հի յուսացելոց որ յաւիտեանից : Եւ  
 հրաժարեալ 'ի սրբոյ առաքելոյն  
 ընկալաւ զօրհնութիւն . և մատու-  
 ցեալ 'ի տեղի հանդիսին առէ . Ա-  
 ըրիք կատարեցէք զկամս հօրն ձերոյ  
 սատանայի . և մատուցեալ ինքնին  
 կամաւորութեամբ զպարանոցն , և  
 ձգեալ զսուրն գահճին կամէր սպա-  
 նանել զսուրբ կոյսն . և եհար ըզ  
 գահճապեան և սպան զնա . իբրեւ  
 տեսին բարբարոսքն առաւել զայ-  
 րացեալ 'ի շարէն՝ առեալ զսուրն  
 գիմեցին 'ի վերայ նորա , և անդէն  
 հարեալք զիրեարս սատակէին :

Իսկ սուրբ աղախինն Քրիստոսի  
 կայր յաղօթս և առէր . Տէր Յիսուս  
 Քրիստոս ընկալ զիս 'ի յարկս յա-  
 շիտեանից . զի ցանկամ ելանել 'ի  
 մարմնոյս և մտանել առ Աստուած ,  
 և ժառանգել զանպատում բա-  
 րիան . և ուրախ եմ ընդ շարշարանս  
 և ընդ մահս , որ վասն անուանդ քո-  
 զի փառաւորեսցի անուն քո , որ  
 զօրացուցեր զիս յաղթել որք մար-

տեան ընդ իս, զի քո է յազԹու  
Թիւն, և քեզ վայել է փառք յա.  
Վատեանս և ամէն :

Եւ նոյնժամայն պատանի ոմն է.  
Հար զկուրծս երանելոյն Սան.  
դրխաոյ սուրբ կուսին, և ել արիւն  
և բուրեաց հոս անուշութեան, և  
անգէն աւանդեաց զհոգին իւր  
առ Քրիստոս բարի խոստովանու.  
թեամբ 'ի Հայր և յԱրդի և 'ի սուրբ  
Հոգին. և ծագեաց լոյս յերկնից  
իբրեւ զսիւն լուսոյ և եղև շար.  
Ժումն. և ձայն անկող երկնաւոր  
զօրաց որք օրհնէին զԱստուած, և  
եկաց սիւն լուսոյն զերիս տիւս և  
զերիս գիշերս 'ի վերայ սուրբ  
մարմնոյն. և հաւատացին յաւուր  
յայնմիկ օգիք իբրեւ երեք հազարք  
ընդ այր և ընդ կին. և ոչ մեկնեցան  
'ի տեղւոջէն ուր մարմին սրբոյն  
Սանդխաոյ կայր : Եւ եկեալ սուրբ  
առաքեալն 'ի գիշերի մկրտեաց զնս.  
սա յանուն Հօր և Արդւոյ և Հո.  
գւոյն սրբոյ, և առեալ զմարմին  
սրբոյ կուսին Սանդխաոյ եգին 'ի  
նոյն տեղւոջ, և արար աներեւոյթ



Վհանգիստ երանելոյ սուրբ տի-  
 կնոջն Սանգիստոյ . որ վկայեացն 'ի  
 քաղոց ամսոյ յեւթն կատարեալ  
 վկայութեամբ 'ի հայր և յԱրդի և  
 'ի սուրբ հոգին . որում փառք յա-  
 շխտեանս . ամէն :





# ᑦᐅᑦ ᑎᑦᑦᑦᑦᑦ

ԹԱԴԷՆՈՍԻ ԱՌԱՔԵԼՈՅ  
ԵՒ ՍԱՄՈՒԵԼԻ ԵՒ ԻՍՐԱԵԵԼԻ  
ԵՒ ԱՅԼՈՅ ՈՐ ԲԱԶՈՒՄ ԺԱՄԱՆԱԿՍ  
ԿԱՅԻՆ ԵԱԾԿԵԱԼ  
ԵՒ ԷՆԱ ԱՄՐՈՂԸ .  
ԵՒ ՅԱՅՏԵՆԵՑԱՆ ԱՌՆ ՈՒՐՈՒՄՆ  
ՃԳՆԱԻՈՐԻ ԵՒ ՍՔԱՆԶԵԼԱՏԵՍԻ  
ՈՐ Ի ՄԱՆԿՈՒԹԵԱՆ ՎԱՐԺԵԱԼ ԷՐ  
ԱՐԺԱՆԱԻՈՐ ԿԱՐԳՕՔ  
ԿԻՒՐԱԿՈՍ ԱՆՈՒՆ

ՀԱՅԿԱՍՏԱՆԻ ԿԱՆՈՆԱԿԱՆ ԵՊԻՍԿՈՍՈՍ ԵՎ ԿԱՆՈՆԱԿԱՆ ԵՊԻՍԿՈՍՈՍ

ԱՐԴ սկսեալ նորա պատմել և ա-  
տեր 30 . Ես կիրակոս էի աշակեր-  
տեալ Դաւթի միայնակեցի . բնա-  
կէի 'ի սնարս լերին Սանաարուկ 'ի  
յայրին , մօտ 'ի Շաւարշան . յեր-  
կրաւորացս հրաժարեալ և միայնա-  
ցեալ բազում ամօք , և միով հան-  
դերձիւ , հանապազ յաղօթս : Եւ  
յայանեցաւ ինձ 'ի քուն գիշերի  
յայանապէս տեսիլ հրաշալի , 'ի  
մէջ Սանաարուկ գաշաի , 'ի վերայ  
միոյ փոքրիկ բլրոյ ծագեալ լոյս  
սքանչելի , և 'ի մէջ լուսոյն աթոռ  
ոսկի , և 'ի վերայ աթոռոյն այր  
մի լուսաւոր , որ ոչ կարէի պատ-  
մել զնշան լուսոյն : Եւ կային շուրջ  
զաթոռոյն այլ եւս հինգ այր լու-  
սազգեաց . և ես հիացեալ և զար-  
մացեալ կայի : Եւ յանկարծակի 'ի  
մէջ լուսոյն երեւեցաւ աղջիկ մի

Թագաւորացն , և երեսք նորա իբրեւ զարեգակն , և հանդերձս ոսկեհուռս զգեցեալ ունէր , և էր արկեալ զիւրեաւ ծիրանիս և պսակ հրաշալի ՚ի գլուխ իւր , և եկն եկաց առ լուսաւոր առնն որ յաթոռոյն նստէր , և նա ասէր ցաղջիկն . Աւրախ լեր , սուրբ կոյս հարսն Քրիստոսի : Եւ տեսի եւս այլ այլ մի սքանչելի երեսօք որ նման էր վարդապետին իմոյ Դաւթի , և ասէր ցիս . Մի երկնչիւր , այլ զօրացիր ՚ի Քրիստոս , զի եա քեզ շնորհս և երեւեցոյց քեզ լոյս մխիթարութեան , արդ ունկն գիր և պատմեցից քեզ : Աքանչելի լոյսն որ երեւեցան քեզ՝ շնորհք հոգւոյն սրբոյ է որ ՚ի վերայ սրբոցն ծագեալ լուսաւորէ , և ոչ հեռանայ յարդարոցն ՚ի հոգւոցն և ՚ի մարմնոցն , և երեւի արժանացելոց որպէս և այժմ քեզ : Արդ որ նստի ՚ի յաթոռն ոսկեղէն , նա է առաքեալն Թագէոս , և հինգ արքն լուսազգեացք զառաջեաւ՝ նորա են աշակերտք և վկայք նորա , և արջիկն

Սանդուխտ է : Եւ ես երկիւղիւ ա-  
սեմ . Եւ ո՛ւր տէր իմ . և ասէ . Ին-  
քեանք ցուցցեն . և ես էի զարմա-  
ցեալ . և յանկարծակի զարթոյց  
զիս , և փառաւորեցի զԱստուած  
վասն տեսլեանն և խնդրէի զսասոյգն :

Եւ յերրորդում աւուր երեւէր  
ինձ սուրբ առաքեալն նովին կեր-  
տարանօք , և իմ տեսեալ զնա յեր-  
կիր կործանեցայ , և բուռն հա-  
րեալ կանգնեաց զիս և ասէ . Մի  
երկնչիւր Աիրակոս , միս դիր և ցու-  
ցից քեզ զնշխարս մեր ուր հանգու-  
ցեալ են : Եւ եցոյց ինձ արձան մի  
անտաշ յարեւելից կողմանէ , և ա-  
սէ . Ասա գտանես . և յերկիւղէն  
զարթեայ : Եւ կայի ՚ի սահս սլոն-  
գութեան զաւուրս երեսուն , և  
արտասուագոչ աղօթիւք հայցէի :  
Եւ յաւուրն երեսներորդի մատու-  
ցի պատարագ և հաղորդ եղէ խոր-  
հրդոյն , և գոհացեալ անցի յասա-  
ցեալ տեղին՝ միայն , և գտի զար-  
ձանն և բրեցի առ նովաւ և ոչ ինչ  
գտի , և ՚ի արամութենէն նիրհեցի :  
Եւ դարձեալ տեսի զառաքեալն

աւերք ընկերօքն առաւել եւս հրաշալի, և ասէ. Մի երկնչիւր Աիրակոս, յառաջակայ կողմն բրեա և գասնեա: Եւ զարթեայ և բրեցի և գաի զնշխարս մկայի միոյ, և բուրեաց հոս անուշութեան. և ես կարծէի թէ ինքն առաքեալն իցէ, և փառաւորեցի զԱստուած:

Եւ ՚ի նմին գիշերի երեւեցաւ ինձ պատանի մի բարձր հասակաւ և գեղեցիկ երեսօք և լուսաւոր յոյժ և ասէ ցիս. Աերակոս, որ տեսերդ Իորայէլ է, և որ ՚ի վերայ գորա ես եմ Չաքարիա 31, և գիր ՚ի վերայ իւրաքանչիւրումն է, և արձանդ որ ընդդէմ կայ՝ անդ գասնեա զառաքեալն: Եւ թուէր ՚ի տեսլեանն թէ պատառեր արձանն և ծագէր լոյս, և զարթեայ ՚ի լոյս տեսլեանն և ՚ի հոս անուշութեանն, և գիր ոչ էր: Եւ ՚ի միւսմ գիշերի տեսի զՍանգուխտ ըստ առաջին տեսլեանն և առաւել եւս պայծառ. և իմ զարհուրեալ յոյժ, և նա բառն հար և կանգնեաց զիս, և հրամայեաց ինձ ՚ի տեսլեանն՝ տա-



պատա մի տարածել և զնշխարանն 'ի  
 վերայ դնել . և արարի զհրամայ-  
 եալսն , և յանկարծակի լուցան և  
 նշխարքն իբրեւ զՉահա , և ես զար-  
 հուրեալ կայի . և նա զօրացուցանէր  
 զիս և սսէր . Մի երկնչիւր : Եւ ա-  
 սեմ . Ահա այրի տապաստգ : Եւ  
 նա սսէ . Ոչ այրէ , այլ ահա սրբէ  
 և լուսաւորէ , և հաւատացելոց միսի-  
 թարութիւնն բժշկութեան մատու-  
 ցանէ և ընծայէ : Եւ տեսանէի և  
 ահա կանգնեցան և եղեն որպէս  
 իւրաքանչիւր կերպարան՝ լուսաւոր  
 և զարմանալի . և Սանդուխա կայր  
 'ի միջի լուսաւոր տեպեամբ . և ա-  
 սէր մի ոմն ցՍանդուխա . Ուրախ  
 լեր հարսն Քրիստոսի , զի 'ի ձեռն  
 քո շնորհեցան նշխարք մեր 'ի բժշ-  
 կութիւնն հաւատացելոց և 'ի միսի-  
 թարութիւնն , և յայանի լիցի սոցա  
 նահատակութիւնն մեր և սէրն որ  
 'ի հայր և յՈրդի և 'ի սուրբ հո-  
 գինն : Եւ կոյսն փառաւորէր զԱ-  
 տուած և սսէ ցիս . Ես 'ի բլտին  
 եմ՝ ուր զառաջինն ցուցաւ քեզ  
 տեսիլն . և տարաւ զիս 'ի բլուրն և

ցուցանէր ինձ եկեղեցի մի փոքրիկ և լի լուսով : Կակ վերին լոյսն անպատում է ուր բնակութիւն սրբոցն է : արդ զօրացիր և կատարեալ ըհրամայեալսն քեզ :

Եւ իմ յարուցեալ փառաւորեցի զՔրիստոս և պահեցի պնդութեամբ ՚ի մարերի ամսոյ մինչև ՚ի նաւասարդի ամիս , և եկեալ պատմէի եպիսկոպոսին 30 , և բազում փութով խնդրեալ զանդին ոչ գտանէր զանչալին : Եւ գարձեալ երեւէր ինձ նոյն լուսաւոր կերպարանոց սուրբ առաքեալն և ասէ . Այսօր գտանէք զփափաքելին ձեր : Եւ ստանէր զիս ՚ի անդին և ցուցանէր և ասյր զգուշութիւն անդոյն : Եւ յարուցեալ ասի ընդ իս քահանայ զոմն Սամուէլ անուն , և հասեալ ՚ի նշանաւոր սրբոցն հանգիստ՝ ազութիւք խնդրեցաք յԱսաուծոյ արժանի լինել նշխարացն : Եւ եղև ասէ և թնդիւն և պատասեցաւ վէմն , և հոս անուշութեան բուրեաց և ելից զվայրսն : Եւ գտաք զնշխարսն յերաքանչիւր հանգստի ահաւոր և

սքանչելի տեսեամբ . առաջինն՝ առաքեալն որ կայր 'ի մէջ ստատուեալ վիմացն յարեւելից կողմանէ որպէս երեւեցան . և մտա յառաքեալն դասք զնշխարս սրոց նշանն այս էր . միայն ընդ ունն հարեալ երկաթի բեւեռս և 'ի նմին կային բեւեռքն . և միւսունն ընդ լուսունն ծակեալ . և էին զարմանալիք 33 : Եւ մեր ահիւ ժողովեալ զնշխարան փառաւորեցաք զԱստուած :

Եւ յերրորդում աւուրն հասաք 'ի հանգստարան սրբոյն Սանգխաոյ և աղօթեցաք , և եղև շամանդաղ թանձրամած 'ի վերայ բլրին մինչեւ յերիս Տանն աւուրն , և ոչ կարացաք տեսանել ինչ . և ահիւ և լալով խնդրեցաք զփափագելին , ապա ուրեմն կարացաք տեսանել 'ի բլրին լոյս , և 'ի մէջ լուսոյն բազմութիւն լուսազգեաց մարդկան զի փայլէին : Եւ բացեալ հանգխաս սրբոյն և հոս անուշութեան բուրեալ , և փարստեցաւ շամանդաղն և եղև լոյս և երեւեցան նշխարքն , և առեալ բերաք 'ի տեղին ուր նըչ

խարք սուրբ առաքելոյն էին , և ե-  
գաք առ նմա : Եւ 'ի գիշերին յայն  
միկ եղեւ լոյս յերկնից 'ի վերայ  
նշխարացն և ձայն օրհնութեան՝ որ  
հրաշալի և քաղցր բարբառով օրհ-  
նէին զԱստուած և զմիմեանս ողջա-  
գուրէին , և նշխարք օսկերաց նոցա  
Թաուցեալ առ միմեանս հանգչէին .  
և մեք զարհուրեալ կայաք հիա-  
ցեալ , և տեսաք զնշխարս Սանդղիս-  
տոյ զի էին 'ի մէջ նշխարաց առա-  
քելոյն , և մեր երկիւղիւ մատու-  
ցեալ զատուցանէաք 'ի միմեանց . զի  
որ մերձենայցէ , գիտացէ զնշխարս  
առաքելոյն և Սանդիստոյ . և օրհնե-  
ցաք զԱստուած ցնծութեամբ :

Եւ ել համբաւ զսրբոցն յայտ-  
նութենէ ընդ աշխարհս հայոց , և  
բազում ժողովք լինէին 'ի հաչակ  
սրբոցն և տօն ուրախութեան կա-  
տարէին ահիւ տեառն : Եւ բժըշ-  
կութիւնք լինէին եկեւոցն՝ գիւա-  
հարաց , կուրաց , խլից , անգամա-  
լուծաց , գօսացելոց , բորոտաց և  
ամենայն ախտաժեւտաց 'ի ձեռն  
սուրբ նշխարացն 'ի փառս Աս-  
տուծոյ :

Յայտմ ժամանակի ոմն 34 յՄԵՐՆ-  
 առնեաց կոյր 'ի ծնէ, որ եկեալ էր  
 'ի բժշկութիւն և ընկալաւ զուսա-  
 ւորութիւն, և պատմէր սքանչելի  
 տեսիլ, որ երեւեալ էր նմա և ասէր .  
 Տեսանէի 'ի տեսլեան գիշերի աղջիկ  
 մի գեղեցիկ տեսլեամբ և ասէր . Ես  
 եմ Սանդուխտ . արի և գնա 'ի գաւ-  
 առն Արտազ 'ի քաղաքագեւղն  
 Շաւարշան, 'ի գաշան Սանատրուկ,  
 'ի կայս հանդստեան մերոյ, երթ  
 կաց անդր և խնդրեա 'ի տեառնէ և  
 լուսաւորեցիս 'ի ձեռն սուրբ ա-  
 ռաքելոյն և նորին աշակերտացն, և  
 ես ընդ նոսա, և գիցուք զձեռս մեր  
 'ի վերայ աչաց քոյ և բժշկիս ա-  
 նուամբ Երբորգութեանն : Եւ ա-  
 սէր սուրբն Սանդուխտ . Ահա տես  
 զգոյշ կաց և արասցես զհրամայ-  
 եալն քեզ հաւատովք : Եւ իմ  
 զարհուրեալ ահիւ և հաւատով և  
 յուսով, և եկեալ զհրամայեալն  
 ինձ արարի, և բացան աչք իմ, որ-  
 պէս հրամայեաց ինձ 'ի տեսլեանն  
 Սանդուխտ շնորհօք տեառն մերոյ  
 Յիսուսի Քրիստոսի : Եւ ասէր

բժշկեալն՝ թէ տեսանէի յորժամ  
 եկին՝ այր մի լուսաւոր և զնոյն ազ-  
 րիկ հրաշալի և սքանչելի երեւմամբ  
 և ունէին գաւազան սակի, և եղին  
 զձեռս իւրեանց հանդերձ գաւա-  
 զանաւն՝ ի վերայ աչաց իմոց, և առ-  
 ժամայն բացան և տեսի լոյս և փա-  
 աւորեցի զԱստուած : Եւ եղեւ  
 նշանս այս առաջի ամենայն ժողո-  
 վրրդեանն որ եկեալ էին ի լուր  
 սքանչելեացն : Եւ այլ եւս բազումք  
 բժշկեցան ի բազում ախտից :

Եւ եղեւ գիւտ նշխարացն ի  
 շնորհաց սուրբ հոգւոյն յաւուրս  
 հոգէզարդ, աստուածասէր և ճշգ-  
 նազգեաց տեառն Յովհաննու  
 Հայոց կաթողիկոսի, և քաջանուն և  
 նախանձախնդիր աստուածային պա-  
 տուիրանացն Ահհանայ Մամիկո-  
 նենից տեառն Հայոց մարդպանի և  
 սպարապետի . որք եկին աշխարհա-  
 խումբ բազմութեամբ եպիսկոպո-  
 սօք, քահանայիւք, և սարկաւազօք  
 և այլ բազմութեամբ ազատաց և  
 խառնիճաղանձ ամբօսիւ, և տօնե-  
 ցին սաղմոսիւք և օրհնութեամբ

զիշատակ սրբոցն բազում աւուրս  
 և ուխտ եղեալ կատարեալ զզիշա-  
 տակ նոցա : Եւ առնուին մասն 'ի  
 նշխարաց սուրբ առաքելոցն թա-  
 դէոսի և Սանդխտոյ և յայլոց վկայ-  
 իցն , և տուեալ փառս Աստուծոյ  
 գնացին յիւրաքանչիւր տեղիս խըն-  
 գութեամբ :

Արդ որք հաւատով և սրբու-  
 թեամբ փափագեն սուրբ և երկնա-  
 ւոր գանձուց նշխարացն սրբոց՝ որք  
 նահատակեցան վասն Քրիստոսի ,  
 ընկալցին զփափագելի լոյսն յա-  
 ւիտենից և ծագեցի 'ի վերայ նո-  
 ցա՝ արեգակն արդարութեան , և  
 խնդրուածք նոցա կատարեսցին 'ի  
 տեառնէ բարեխօսութեամբ սրբ-  
 րոցն , և հասցեն մասին ժառանգու-  
 թեան սրբոցն , 'ի Քրիստոս Յիսուս  
 'ի տէր մեր . որում փառք յաւի-  
 տեանս :







# ԾԱՆՅՈՒԹՈՒԹԻՒՆՔ

- 1 . Յօր . Դիպարագունդ բանալօտ .  
խակ 'ի միւսուժ օրինակի և յերկաթագիր . Տօնականին Բարիզեան . Դիպարագունդ բաժալօտ :
- 2 . Բ ՕՐ . փրկիւն . . . շաղափէլօտ :
- 3 . Բ . արքայապետ :
- 4 . Բ . համայնական :
- 5 . Բ . հրէշտակախոս :
- 6 . Բ . շէրտիտակ :
- 7 . Բ . բաժակի :
- 8 . Բ . զստեղծի նշանացն :
- 9 . Բ . յաւելու՛ յշէտ և իւղեաց զնա :
- 10 . Բ . յամենայն գործս բարիս :
- 11 . Բ . համաշխարհազար :
- 12 . Բ . զարափիւրս : Բայց թաղէի  
աստուածընկալ շրթանցն վայել  
շաղոյնք՝ ըստ բնագրիս , հրէ  
զէն համբոյրք կապանացն , որ  
զողջախոհ տաարակն Գրիստոսի

պարաւանդեալ պրկէին : Բանի  
վանք և սիրալիք այս աղապա-  
տանք առաքելոյն Բրիտանի :

13 . Բ . Ի սիրոյ նորա :

14 . Բ . սրբեմէ ին :

15 . Բ . սրմնեմն :

16 . Պսիդոնի թէ ասա զՆեպու-  
նոս իմացուք՝ ոչ նա մայր աս-  
տուածոց, այլ եղբայր ճանաչի գի-  
ցահօրն Արամազդայ - քայց թուի  
թէ զնոյն ինքն յԱրամազդ կամեր  
ասել . զի և ստորեւ Սանաարուկ  
յիշէ զնոյն ընդ Անահայ :

17 . Բ . լուսն անուամբնուն Սանդիթայ :

18 . Բ . յշեալ ընդ աշխարհագրու-  
թայսն :

19 . Բ . իսելք շինիւմ զիլեալ :

20 . Բ . ի սր մի :

21 . Բ . ըստ զոյս անիբուս թեանն :

22 . Բ . զուսրբ անուն քա :

23 . Բ . Աշտիին Քրիստոսի , մի եր-  
լեմլիբ , շի իւրծեո թէ երկեա :

24 . Բ . կարծեիին անեղոսն իւրեմն :

25 . Բ . Անց աննայն զաստե յերկեա :

26 . Այսպէս յոր . Ի միւսուսն  
պակասի :

27 . Սամուէլս այս՝ յայտ է թէ  
 Թարգմանեաց զվկայարանու թիս  
 յառաջ քան զպատմագրել խո-  
 բոնեցւոյն . քանզի յիշէ սա այ-  
 լոց յառաջ քան զինքն գրեալ  
 զԹագէէ և Սանգխտոյ . իսկ զի  
 ասէ՝ տուեալ զայն յընթերցումն  
 ամենայն Հայաստանեայց . Թուի  
 թէ մեծաթոռ ոք էր եպիսկո-  
 պոսն , և գուցէ նոյն ինքն Հմուէլ  
 ասորի , որ առ մեծաւն Սահակաւ  
 կացուցաւ հակառակ նմին . Եթէ  
 գոյին ՚ի նմա և այսպիսեաց բա-  
 րեաց իրաց փոյթք :

28 . Թուի շնորհիւ , կամ և ուս-  
 իմի :

29 . Այսպէս յՕր :

30 . Կամ յառաջաբան պատմու-  
 թեանս պահասէ , կամ յերկայն  
 պատմութենէ մասն հանեալ է :  
 Ոչ է մեզ յայտ ո՞վ իցէ Վիրա-  
 կոսգ և ո՞վ Դաւիթգ , Անյանթն  
 արդեօք թէ այլ ոք . և ոչ քաջ  
 ստոյգ Ժամանակ գիւտի նշխա-  
 րացս , զորոյ քննութիւն տես  
 յԱ . հատ . Պատմ . Հայոց , յիշ

- 584 : Իսկ բանք սորա երեւե-  
ցուցանեն առ Մանգակունեան  
Յովհ. և առ մեծան Ղազանաւ  
լինել զգիւտդ, յամի տեառն 485  
կամ 486 :
- 31 . Զաքարիայդ աշակերտ թա-  
գէի է, զոր նա լծակից իւր կո-  
չէր . թուի թէ և Իսրայէլք 'ի  
հեռեւողաց նորին, զոր ոչ յիշ-  
պատմութիւնս :
- 32 . Ի Յայտաւուրս Շահակ կոչի  
Եպիսկոպոսդ :
- 33 . Ահնարկէ 'ի պատմեալսն յ'էջ  
38 և 39 :
- 34 . Յայտաւուրք ին. և ասեն :





